

東

華

續

錄

臣王先謙敬編

周潤蕃恭校

道光十二年壬辰春正月癸丑諭向來盛京五部侍郎及各省將軍都統副都統城守尉總管等有年班輪替進京之例嗣後著自到任之日起扣滿三年奏請陞見俱無庸年班進京至直隸總督古北口提督每遇鑾輶巡幸時得以扈從召見其年班進京之例亦著停止○甲寅諭軍機大臣等據長齡等奏道旨覈議具奏一摺此次酌減滿漢防兵二千五百名各城文武員弁亦大加裁減統計舊額新增各大臣官員兵丁書識等歲需糧料合併西四城額徵各色糧石通融撥用已足供支無庸採買津貼又據和闐阿奇木伊斯瑪依爾等呈請歲捐糧一千二百石供添兵口食烏什

阿奇木木薩等呈請在寶興屯工地內捐貲建築回城令屯兵歸城操演每歲額交糧石由回戶照數交納又西四城徵賦錢六千七百餘串除搭放外每年存賸普爾錢五千餘串見據該將軍等議定暫添防兵五千餘名需銀不過十萬兩若將存賸賦錢以二百二十文合銀一兩折算可充經費銀二萬三千餘兩此項存賸賦錢向係各城備貯充公按年報銷用款不一不皆散在兵眾若將五千餘串錢文全數搭放兵餉則散有常期城市錢源益加充裕不至錢貴銀賤至安鑪鼓鑄止阿克蘇一城普爾錢文行用止在回疆非內地可比額鑄之錢與歲俱增展轉流通總不出八城地面見駐喀什噶爾征兵一萬數千人並未因此錢價騰貴等語既據該將軍等查明均係實在情形俱照所議辦理總在撫綏得宜以收長治久安之策○以喀什噶爾善後大局已定撤滿漢官

兵歸伍○庚申裁山東撫標及兗州等三鎮兵額○乙丑毛式郇
丁憂以沈維鑄爲左副都御史○丁卯諭軍機大臣等長齡等覆
奏疊奉訓諭一摺覽奏俱悉此次暫添防兵旣據該將軍等查明
每歲需餉不過十萬兩各城額徵糧料足敷供支旣無須採買卽
可不至擾累回眾著卽照所請辦理並於回戶中挑選兵丁食糧
充伍抽撤換防兵額其應撤征兵七千餘名亦著分起撤回仍著
璧昌等察看情形隨宜辦理朕前次降旨因各城添設文員流弊
滋多竟可概不議增此次請將巡檢一併裁撤仍照舊制所辦是
其請暫留哈豐阿郭繼昌二員教演操防俾璧昌專辦地方事宜
哈豐阿郭繼昌俱著准其留駐督同各該弁派撥操防勤加訓練
俟通商事定再奏明各回本任其從前齊慎駐兵處旣據查明
在烏什卡外該處久已平靜自未便再往紮營轉令布嚕特等疑

欽定平定回疆方略卷之二十一
四
懼見在烏什有防兵一千七百餘名足壯聲威該將軍請就西四
城留防兵數通融分設較卡外禁營更爲得力著照所請行仍准
留周悅勝唐俸二員分投巡防彈壓俾聲勢益爲聯絡設遇緩急
相機應援出奇截擊至喀什噶爾英吉沙爾和闐兵數據該將軍
等查明驛難減撤著俟通商後再將喀什噶爾換防總兵裁撤並
將各城換防官兵次第刪減喀什噶爾見無籌辦事件長齡等卽
赴葉爾羌巴爾楚克一帶會同履勘後在阿克蘇暫駐候旨遵行
○長齡等奏查勘喀什噶爾等城應行修築並添建滿城衙署兵
房卽將叛產變價興工下部知之又奏遵查明巴什阿哈胡里又
稱明伯克係霍罕管事頭人滋事梗化皆其主謀今旣照常貿易
明巴什有利可圖自不至如前倔強從此卡內卡外可期靜謐報
聞○陳若霖以年老休致以戴敦元署刑部尙書

酬款侍

○庚午

裁山西撫標及太原大同二鎮兵額○辛未以惠豐爲湖南布政

使慶林爲甘肅按察使

由廣東鹽
運使遷

○壬申諭正紅旗滿洲都統奏

和孝公主之子福恩年已及歲仰懇賞給差使一摺福恩著加恩

賞給委散秩大臣○予江蘇前任浙江溫州鎮總兵李景曾重赴

鴈揚宴賞一品銜○癸酉王引之丁憂以汪守和爲禮部尙書

由戶部左侍郎遷

○甲戌調裕誠爲工部左侍郎凱音布爲兵部左侍郎鄂

順安爲刑部左侍郎嵩惠爲盛京戶部侍郎裕泰爲盛京工部侍

郎常文爲盛京刑部侍郎以德興爲盛京兵部侍郎

由副都御史遷

調申啓賢爲戶部左侍郎湯金釗爲吏部右侍郎以王楚堂爲兵

部右侍郎

由大理寺卿遷

○丁丑定白陽白蓮八卦紅陽等教首犯遇赦

不赦從犯亦不准援減例○是月展賑安徽懷甯等二十一州縣

水災旱災並給懷甯等十七縣衛貧民口糧貸直隸大名等四州

縣河南商邱等三縣災民米穀陝西葭州等四州縣江西南昌等十六縣湖北江夏等二十州縣衛湖南武陵等十州廳縣衛甘肅渭源等七州縣貴州桐梓縣災民口糧耕種緩徵山東鄒平等二十一州縣衛上年額賦及雜款

二月戊寅朔諭軍機大臣等本日據盧坤及海凌阿由驛馳奏湖南江華縣錦田猺匪糾眾滋事起程前往督辦各一摺上年十二月二十九日江華縣錦田鄉猺人趙金隴聚集九沖猺人五六百人在兩河口等處劫殺男婦二十餘名口經遊擊王俊帶兵往捕格殺猺匪男婦十四名口拏獲猺匪五名本年正月初五六日猺匪復至洪江寨黃竹寨傷斃兵丁一名及書差民人男婦共四五名口又總兵鮑友智正月初十日馳抵江華查明猺匪趙金隴聚集長塘坪各寨糾眾約有千餘均給紅布數尺裹口爲號該總

兵飛飭營縣派撥弁兵鄉勇將各衝路口概行防堵陸續擊獲應援奸匪二十餘人猺民向稱安靜自入版圖以來百數十年從未滋事今事起倉卒定有起釁激變之由是否與毘連村民懷有夙讐抑被漢奸盤剝窮極變生必須將爲首要犯趙金隴生擒嚴訊其因何糾眾搶劫務得確情並將抗拒殺人之猺匪盡法懲辦先行出示曉諭散其脅從不得稍涉張皇致滋擾累其安分猺人仍設法撫綏俾免驚擾吳榮光已於十九日帶同長沙協副將嵩齡前往查辦但湖南省城甚爲緊要不可無大員彈壓盧坤見已帶兵赴彼吳榮光著卽折回省城無庸前往海凌阿見已在彼督辦朕思羅思舉久歷行陣更爲得力並著盧坤酌量檄令該提督迅速前往至擒獲之猺匪盤生堂所供趙金隴提劍作法銜水變火結草變牛顯有妖言煽惑情事總須趁此勢未燎原迅就撲滅或

四面兜擒聚而殲旃勿令竄往他處方爲妥善其廣東廣西昆連處所見又飛飭該督撫提鎮於交界地方一律防堵其各府州縣凡有猺民雜處地方一律嚴密防範妥爲撫綏俾免煽惑句連別生枝節以致滋蔓儻須添撥弁兵卽於湖南就近營分酌調以期捷速而免糜費○諭本日據嵩溥奏藩司孔昭虔患病不能護理撫篆請俟鍾祥到黔令其護理再行起程來京等語孔昭虔已明降諭旨令其開缺回籍調理貴州藩司將麟慶補授鍾祥著仍遵照前旨迅速前赴江西藩司新任嵩溥著暫緩來京俟新任貴州藩司麟慶到任將印信交其護理再行來京陞見可也○裁東河河標兵額○調經額布爲河南按察使以蘇廷玉爲山東按察使由江蘇松太道遷○己卯 上御經筵○辛巳裁雲貴督撫鎮協各營兵額○壬午諭李鴻賓等奏查禁鴉片煙來源一摺鴉片煙來自外

洋必應遏止來路見據該督等查明載運銷售各路嚴定章程絕其洋面私售之由著照所請嗣後洋人來粵貿易該督等剴切出示曉諭並嚴飭洋商開導勿將煙土夾帶貨船儻經查出不准開船賣貨並嚴諭以貨船之外毋許另設船隻以杜私入之源仍於省河禁止走私快艇潮墳各屬商船不得攏近零丁洋面並著直隸閩浙等省各督撫嚴飭海口各地方官凡出洋販貿船隻逐一給與牌票並驗出入貨物毋許仍前偷販情弊該督等務當隨時查禁有犯必懲不得日久生懈○癸未以文慶爲左副都御史由
通政使遷○甲申諭梁中靖奏恒寒爲洪範之咎徵妄指查拏邪教株連冤抑所致不知政體是誠何心從來稂莠不去嘉禾不生愚民習教傳徒妖言惑眾愈聚愈多必致滋事若一味姑息竟欲因噎廢食則涓涓不絕將成江河養癰貽患伊於胡底惟懲一儆百防

患未萌無使滋蔓此正朕爲民除害同享太平之至意經正民興
蒸蒸日上朕實有厚望焉○丁亥移建南河山盱廳信壩於夏家
橋○修安徽銅陵縣江壩○己丑諭軍機大臣等向來直隸總督
古北口提督馬蘭泰甯兩鎮總兵每遇朕謁 陵時於行在進獻
活鹿嗣後俱著停止○實授戴敦元刑部尙書調史致儀爲刑
部左侍郎以劉彬士爲倉場侍郎由副都御史遷○調那丹珠署刑部
左侍郎裕誠爲工部右侍郎常文爲工部左侍郎以祥康爲盛京
刑部侍郎由副都統遷○壬辰以奎照爲理藩院右侍郎由司業遷○乙未
閩浙總督孫爾準卒贈太子太師予祭葬謚文靖賞其子慧惇進
士慧翼員外郎○以程祖洛爲閩浙總督林則徐爲江蘇巡撫吳
邦慶爲河東河道總督周之琦爲江西巡撫鄭祖琛爲廣西布政
使鳳來爲福建按察使由湖南道遷○丁酉諭軍機大臣等據盧坤奏

報勦敗逆猺奔竄情形請飭調帶兵大員前往勦捕以期迅速嚴
功又據吳榮光等奏查明鎮守先期進剿逆猺雖有殺獲未能兜
擒首逆以致逃竄裹脅將各員參辦並見在添調官兵堵捕緣由
各一摺覽奏均悉湖南江華縣錦田鄉被猺匪滋擾經遊擊王俊
等帶領弁兵鄉勇由黃竹寨直搗賊巢焚毀追殺賊匪三十餘名
復進攻殺賊四十餘人擒獲二人餘皆逃散毀其房屋衣糧與遊
擊李方玉兩路進攻長塘賊匪併力抵敵官兵施放槍礮復用火
彈拋擊賊廠火發立時延燒殆盡計殺斃燒斃賊匪約三百餘人
首逆趙金隴與其夥黨奔逃擒獲猶匪供稱首逆逃往大竹山又
有潛逃廣東八排之語又據鮑友智擒獲男婦八人供稱趙金隴
弟兄先欲逃奔廣東八排至連州交界被兵截回見往九嶷山並
據逆猺盤福秀供伊係趙金隴手下藍旗大將管領百人被官兵

打敗卽將藍旗丟棄逃走趙金隴無處可走總想竄入九疑山躲藏與猺婦盤李氏等供詞相符見經該撫等派令官兵速赴大竹山搜補復派長沙協副將嵩齡等前往藍山九疑等處堵捕據報猺匪竄入藍山境之五水猺山到處搶劫裹脅至二三千人欲入九疑山安頓巢穴見竄入江華所屬之麻岡地方搶劫黃河魯觀洞等處俱已派兵防堵此等烏合之眾不難迅速翦除見經該督飛調湖北提督羅思舉迅卽挑選將備帶領熟練精兵一千名馳往勦辦統計前後所調官兵共有四千餘名之多足敷防勦湖南省城不可無大員彈壓吳榮光著仍遵前旨於面晤盧坤後卽行交代起程回省所有應用一切軍火器械寬爲製備後路糧餉亦須源源接濟務派妥員認真經理以專責成不可稍有遲誤盧坤此時自己行抵該處著卽督同海凌阿等及早勦滅免滋蔓延並

將首要各犯一併就擒毋任遠竄至首犯趙金龍務要生擒解京
盡法處治以彰國憲該逆有潛往入排之信已諭令李鴻賓等派
員駕往緝拏並令廣西提督蘇兆熊前往該處與湖南交界處所
堵守以防該匪竄入該撫等所參輕進及防堵不力之鎮守等官
已另有諭旨分別降調○己亥以姚元之爲內閣學士兼禮部侍郎銜由詹事遷○庚子諭軍機大臣等本日據長齡等覆奏疊奉諭旨
一摺覽奏均悉見在籌辦善後事宜必須熟商久安長治之模爲
一勞永逸之計其添兵固守一節係屬權宜之策所奏官兵減撤
日少回兵挑選益多操演又復精銳設被誘脅轉屬藉寇以兵於
邊防有損無益所慮甚爲遠到此次議添兵糧歲需經費止在十
萬兩以內一二年間再察看情形隨時減撤從此天威遠振即使
張逆之子長成卡外諸夷亦不敢從中慾漚復萌覬覦俟西四城

元氣漸復將回兵舊額補足認真教演以備調遣無庸再爲加增以防後患俱照所議行屯田一事見據長齡等查喀什噶爾大營駐紮處所有地名喀拉赫依計延袤二百頃有奇見令已招之五百餘人分認耕種將來逃散回戶歸來卽以見存叛產照數撥給嗣後再有承種民人於大河拐一帶附近荒地酌量分撥葉爾羌境內毛拉巴什賽克三一帶荒地俟巴爾楚克接連樹窩子等處築堡設汛後廣爲招徠其修渠引水牛具籽種按則徵收各事宜須試種一年由璧昌詳議章程均著照所奏辦理惟添兵全在如意操防屯田亦宜廣爲開墾總須實力奉行多一兵得一兵之力墾一頃收一頃之糧儻添兵不過虛糜糧餉屯田不過敷衍目前設有緩急仍須內地徵兵調餉尙復成何事體玉麟係伊犁將軍有統轄之責璧昌係葉爾羌參贊大臣有總理八城之任必應隨

時認真稽查遇有訓練不精耕作不力卽據實嚴參懲辦僵扶同
隱飾經朕別有訪聞則惟玉麟璧昌等是問○是月貸湖南洞庭
水師營駐禁災區兵餉華容縣被水各垸修費緩徵湖南鳳凰等
七廳縣歉收屯田租穀江蘇句容等十八州縣衛水災逋賦

三月己酉諭軍機大臣等本日據盧坤等由五百里馳奏提督進
勦被害並見在嚴堵要隘籌辦糧餉一摺覽奏俱悉提督海凌阿
在甯遠下灌地方遣寶慶協副將馬韜領兵前進至池塘墟地方
馬韜被槍陣亡海凌阿揮兵衝入賊羣勦殺連發數矢因路滑墜
馬被戕鬼蜮逆猶竟傷提督大員深堪髮指揮淚覽之朕心悼惜
之至已明降諭旨將該提督等賜卹並交部旗查明該提督等有
無子嗣立沛殊恩以酬忠盡該督等卽飭令各文武員弁於各要
隘督兵固守毋稍疏縱並著於生擒各逆犯中嚴訊該提督副將

究係何人所傷一經拏獲卽盡法處治以伸國法而抒憤懣至陣亡遊擊守備弁兵等並著該督等查明咨部一併照例賜卹所奏兵糧軍火均關緊要用費較繁不得不寬爲籌備旣據藩司恩特亨額粟稱庫貯項下可籌備三十萬兩並於附近水次各鄰縣派碾倉穀陸續運解其永州及省城設局支銷著照所請行但不得張大其事致啓浮冒之弊至該匪烏合之眾除跳擲外別無他技見在江華甯遠藍山常甯各地界有猺山寨游竄掠食並圖裹脅自以堅壁清野爲上策尤須廣行出示散其黨羽毋令裹脅日多致成滋蔓其附近各土猺寨著撫諭安帖土猺等亦令其自相圍練保衛其各要隘嚴密防堵各鄰縣團練鄉勇俾猺匪無食可掠無人可裹方爲妥善羅思舉見選精兵一千名備調可謂老練精於用兵者一俟兵力旣足卽四面兜圍一鼓殲除至新任藩司惠

豐據楊遇春奏留辦理秋審到任尙需時日前任藩司恩特亨額因丁憂開缺見當軍興之際籌撥糧餉豫備器械又設局委員各事宜自未便速易生手恩特亨額著暫留湖南藩司之任辦理軍需俟軍務完竣再回京守制至鎮筰綏靖兩鎮均係苗疆重地未便更易見在湖南提督員缺請調齊慎所見原是但伊業經告病余步雲久歷戎行身經百戰就近調任必可得力已另降諭旨令其挑選精兵一千名帶同得力將弁迅速前來羅思舉未到之先著盧坤兼署提督羅思舉到永州卽著羅思舉兼署計余步雲到彼當亦不遠余步雲接印後與羅思舉相機商辦勦力同心自當及早戡定○辛亥 上親耕耤田○壬子 上啓鑾謁 東陵○免經過地方額賦十分之三○以栗毓美爲河南布政使朱樹爲

良善

湖北按察使

由甘肅甘涼道遷

○乙卯 上謁 昭西陵 孝陵 孝東

陵 景陵 裕陵回鑾○己未 上幸南苑行圍○予海凌阿一等輕車都尉世職馬韃騎都尉世職○庚申諭軍機大臣等長齡等奏霍罕遣使懇求通商籌酌辦理一摺此次霍罕伯克遣夷目遞稟照議允准至所稱該伯克情願抱經盟誓永違朔戴此言未可盡信惟善後大局章程已定喀什噶爾總要商量長治久安之策妥爲防範萬一有事斷不宜輕易帶兵出卡其如何嚴密布置並葉爾羌等城如何聲勢聯絡務使彼此緩急足恃若赴援稍遲致有失誤定以軍法從事決不寬貸又弔噶爾拜等供稱霍罕屢被俄羅斯欺壓該伯克意欲帶兵前往理論由那林及哈薩克愛曼一帶經過噶布嚕特等播造謠言懇祈勿聽等語霍罕與俄羅斯遠在卡外蠻觸相爭原可置之不問惟不許擾及邊界伊犁將軍等總當豫爲防備固不可稍存大意尤不宜輕率追捕致起釁

端並著玉麟知照常德一體遵辦哈豐阿郭繼昌二員著暫留該處俟明春察看情形再行酌量哈哩阿應否留於該處或即可飭回著長齡等商酌定議長齡見在善後事宜已竣著卽起程回京路過甘肅仍遵前旨與楊遇春妥商南路換防官兵酌量變通事宜據實具奏玉麟著卽赴烏嚕木齊審訊郭勒明阿案俟事竣仍回伊犁將軍本任○癸亥上還京師○甲子裁甘肅馬蓮井州判狄道固原甯隴西安定中衛六州縣訓導○乙丑諭前據陶澍奏鹽務奏銷屆期請稍寬時日並察看淮北未盡事宜分別覈辦當交戶部議奏茲據奏稱兩淮鹽務疲乏已久見在銷鹽雖多均係己丑以前已經納課之引與新綱無涉其新鹽發運斗值各省被水轉運遲滯亦係實在情形自應量予展緩惟奏銷寬展一日卽占礙下綱一日之引該督遽請展限半年恐新綱難以接辦著

予限四箇月展至本年六月內造報奏銷至楚西各岸均屬暢銷
該督卽迅飭各商及時捆運其次年如何提前以復原限之處並
著確定限期據寶具奏至兩淮例入奏銷課項共銀二百十餘萬
兩此外加斤正課並應解帑利及外支外銷各款當大加釐剔之
後俱應按款造報見在辛卯本綱將屆一年期滿並著該督速卽
分晰造冊報部以備查覈其淮北未盡事宜亦著迅速妥議章程
分別辦理○戊辰諭軍機大臣等據李鴻賓等奏廣東連山一帶
猺匪解散仍於楚粵交界各處派兵防堵一摺覽奏均悉廣東連
山廳屬黃瓜沖等處間有猺匪搶劫業經該督等調撥各營官兵
前往防勦此時均已聞風畏懼羣相解散該處八排猺人俱屬安
靜其搶劫各匪實係八排外各沖散猺該督等分別良莠自應出
示剴切曉諭以官兵齊集專爲拏辦匪猺凡屬良善猺民均毋驚

恐妄爲撫馭俾安眾心至連山搶劫各猺見雖潛匿仍恐被楚猺
誘脅或與彼潛通消息不可不於各隘口僻徑逐處嚴防堵絕往
來要路見經該督等前後調兵共三千六百餘名又勦練鄉勇一
千餘名兵力不爲不厚務當嚴飭將備兵弁分股堵禦毋令楚猺
乘閒竄入不得稍有疏懈○庚午命戶部尙書禧恩盛京將軍瑚
松額馳赴湖南勦辦猺匪○辛未改廣東崖州營參將爲崖州水
陸副將海口協都司爲崖州協陸路中軍都司駐崖州海口協副
將爲海口營參將駐海口協右營守備爲海口營中軍守備
添設崖州協水陸外委六並撥督標提標各營弁兵隸崖州協○
乙亥追予國初殉節知縣孫如芝吏目鄭亮世職○是月展賑湖
北江夏漢川二縣水災給安徽青陽縣災民口糧貸甘肅皋蘭等
七州縣災民湖南乾州等五廳縣屯丁口糧籽種湖北督標提標

及武昌城守營被災兵丁倉穀

夏四月庚辰諭軍機大臣等前據嚴烺奏豫省上南等廳險工酌
拋碎石當以東河歷年拋護碎石歲料防險等項並未節省降旨
交林則徐悉心體察情形覆奏茲據奏稱詢之年老兵民僉稱旣
辦碎石每遇險工緊急潰墻塌隄力加拋護功效甚著至東河採
運碎石方價倍蓰難以多辦而其化險爲平頻歲安瀾之效未嘗
不資於此惟何以未能省料之故詰詢員弁兵夫據稱統計兩岸
隄工長至二十餘萬丈隄前有堵者不過六千八百餘丈埽前有
石者甫及二百七十餘丈河面寬闊溜勢變遷購料防險諸費卽
難概省等語此項東河碎石工程起於道光二年嚴烺試辦僅拋
兩段而止自道光五年至十一年已拋碎石共用銀六十五萬餘
兩上冬估辦上南三廳方價七萬三千餘兩尙不在此數內覈之

歷年採辦歲料及請撥防險銀兩均未減少碎石既增歲料自宜
節省歲料不省碎石豈不虛糜吳邦慶並非河員出身無所用其
回護著於交卸後迅赴新任與林則徐見面詳細詢問悉心體察
情形如果佔拋碎石化險爲平以後歲料漸可節省照運河各廳
臨湖隄工兼用碎石歲銷錢糧無多豈不甚善若年復一年徒添
出碎石費用則是於歲料外又增一項開銷國家經費有當豈能
供此無底之臺至林則徐奏稱工員果悉機宜善揣溜勢則於工
之將生未生豫築挑壩使溜向外趨埽即可省一埽得力可護數
段之工所省無算所奏不爲無見著吳邦慶於到任後實心實力
講求利弊破除情面不可任聽工員致滋浮冒總期無枉費之工
無妄開之費方爲不負委任○兩廣總督李鴻賓等奏遵旨籌議
崖州善後事宜漢奸入黎盤剥及攢充糧總浮收勒索應申明定

例嚴禁至黎人設立黎總崗長哨營原所以專責成應飭小大各
黎村公同充選如有黎丁不遵管束及漢奸放債滋擾許捆送究
治黎人犯事除劫奪謀殺重情向由地方官飭差協擊其餘情罪
稍輕著黎總等交出審究不許差役擅入句拘藉端索擾黎人食
鹽及牛羊器具等物應准照常售買不得擡價阻買以杜貳端至
鐵器除應用外如鳥槍利刃近於軍械者不准賣給黎俗不通有
無田無溝洫應示諭黎總崗長等通力合作多開溝渠庶旱澆有
備得旨著照所議實力奉行○癸未盧坤等奏逆匪趙金隴由新
田楊家鋪竄至桂陽州交界之白水洞屢次衝突州屬之非前墟
丰隘該州王元鳳會營督率抵禦斃匪多名賊退至楊家鋪官兵
復於茶園坪殺賊百餘該匪由上流周貓兒十三灣越嶺入山追
至半山斃匪百餘又在白水洞口截殺四百餘至新田縣毛栗山

猶人趙文鳳被該逆勾結經武岡州知州王景章曉諭安撫解散
過半餘匪竄至白水洞該匪被官兵兜圍不能四出遊竄往來於
新田之上流嵒楊家鋪常甯之羊泉黃嵒桂陽之白水洞茶樓等
處約共四五千人惟南路藍山甯遠江華爲入粵門戶隘口較多
須嚴密防範羅思舉於三月初十日抵永州商議該提督由中路
進兵既可遏其南路又可與北路領兵之署總兵霍隆武首尾相
應添調永順協副將祥福沅州協副將馬天保帶兵千二百名與
羅思舉兩路夾攻並於附近旁通祁陽道州零陵之翻山小路節
節隄防得旨嘉勉○丁亥諭據戶部奏自道光十年分以來陸續
撥給各省軍需賑卹河工各項銀兩加以被災省分緩免錢糧並
兩淮短徵鹽課統計一二年閒多出少入已逾二千餘萬雖見在
酌撥尙無支綱惟不能不先事豫防實爲籌備等語國家經費有

常自宜加意節用量入爲出著各督撫責成各藩司於一切工程河工及各項借墊雜支銀兩務須大加撙節覈實動用毋得任意開銷至各該省經徵錢糧總須認真督催按期撥解並將上年該部奏准飭催之節年未完積欠及咨催各項應解未解銀兩迅速趕緊催徵完報分別入撥解部經此次降旨後儻再催徵不力仍前延宕該督撫卽將該藩司及徵收各員據實嚴參按律懲辦若完報入撥後或爲數短絀著戶部卽將該督撫指參懲處決不寬貸○戊子諭長齡等奏卡外諸夷進卡貿易懇恩一體免稅等語見在霍罕免罪通商並邀恩免稅其貿易諸夷事同一律嗣後葉爾羌喀什噶爾卡外各部落暨布嚕特等進卡貿易著加恩一體免稅以廣仁施而示體恤○諭長齡等奏邊旨籌議設立駝廠章程一摺前據長齡等奏請將阿克蘇軍需局收到內地置買協濟

官駝挑選二千五百隻分撥葉爾羌等處設廠牧放諭令妥爲辦理茲據籌護章程具奏著准其就各城原撥數內量爲裁減於葉爾羌巴爾楚克共撥駝八百隻每屆出廠時以四百隻分交各軍臺兵丁運送布棉以四百隻分撥該兩城兵丁運送糧石柴薪統由經牧章京管理喀什噶爾撥駝二百隻以備兵丁駄運柴薪阿克蘇撥駝五百隻運送冰嶺布棉硝礦所有各城派牧兵丁作爲廠兵免其差操各廠駝隻照伊犁特穆爾廠之例不取孳生亦不准倒斃除運送官物仍給盤費外空閒之日准各廠兵自行營運定以限制不得潛越庫車以東所得腳貲卽添補繩索鞍屨不准另行開銷每屆年終各城將存駝數目咨報參贊查覈勿任日久滋弊俾不至有累回眾以期隨時調用而實軍備至其餘駝一千隻卽著咨交烏噶木齊都統收明按照舊例飭令一體牧養聽撥

○甲午盧坤等奏白水洞楊家鋪兩股賊匪會合常甯黃崗猶匪同竄至羊泉地方該處街長數里賊卽盤踞固守三月二十二日蜂擁攻奪羊泉營卡都司郭宏升等帶兵斬獲無算羅思舉令官兵層層兜圍於二十九日三鼓乘其不備冒雨進攻逆猶四五千人併力死守經官兵殲斃百餘羅思舉親督將弁盡力攻圍四晝夜殲斃約共八九百人擒獲綠袍頭目黎阿四等供稱趙金隴見已被圍惟功在垂成需用大礮見飛催趕運一鼓作氣埽數殲除得旨嘉勉○以朱爲弼爲左副都御史由宗人府丞遷○丙申諭科道風聞言事原應以重大事件入奏於國計民生俾有關繫方爲不負厥職所有會匪王老頭子卽王法中等習教一案係給事中隆勦於上年冬閒訪聞奏請拏辦茲據軍機大臣等會同刑部審出該犯等拜師傳徒斂錢惑眾實情分別定擬復究出尹老須姪三

白等犯習教童情尙在研訊此等匪徒任其潛匿煽惑日久蔓延爲害閭閻不小若非隆勛奏請懲辦該犯等反得倅逃法網實非戢暴安良之道且所關甚鉅消惡於未萌實有裨於國家非淺足見隆勛於此種重大案件頗能留心訪查不愧言官殊堪嘉尙隆勛著加恩超擢太常寺卿以示獎勵○命運山東倉穀接濟江南被水災民○江西巡撫吳邦慶奏遵旨勘明贑州府設廠抽稅室礙難行緣南贑二府久歸粵鹽引地自不能仍行設立稅廠如於贑州淮粵界內設廠而淮界水陸分途四通八達已難到處設廠且必至藉稅衝淮淮界日形迫促淮引愈見銷滯將以杜弊而反有害報聞○致仕刑部尙書陳若霖卒予祭葬○辛丑賜吳鍾駿等二百六人進士及第出身有差○癸卯諭軍機大臣等前據張井奏請撥大汎工需銀一百五十萬兩當交戶部速議具奏復降

旨以國家經費有常令該河督極力撙節不可年年按時奏請習爲故事任聽工員因仍浮冒茲據奏自該河督調任後所有歲倉修及常年另案工程用款遞次減少惟上年江淮並漲堰盱等廳處處危險用項過多本年殘缺隄埽必須汛前一律趕修而此後清黃水勢消長更難逆料河庫已無存款不得不據實具奏等語河工歲搶修及另案用款每年該河督奏請朕無不飭部籌撥惟見當經費短絀之時若不隨時節省年復一年伊於胡底儻將來無款可籌卽按年奏請朕亦不准如數動撥該河督務當恪遵前旨激發天良悉心籌覈於應辦各工可節省者隨時節省其不應辦者不可任聽工員縱濫爲開銷浮冒地步總期工無枉費款不妄開俾絲毫皆歸實用而嗣後歲撥銀兩漸次減省方爲實心辦事克副委任○乙巳諭本日盧坤等由五百里馳奏攻勦逆寇大

獲勝仗一揭覽奏欣慰逆猶趙金龍等偪聚羊泉地方經我兵四面圍攻斃匪千餘該逆起意詐降總兵霍隆武帶兵堵羊泉西北兩面羅思舉率副將祥福等自街東進攻參將王錫朋等自街南進攻我兵奮勇爭先冒險直入約斃逆猶千餘生擒頭目康發林等餘逆閉門拒守羅思舉激勵弁兵都司郭宏升等帶領弁兵爭擣賊巢斫門爇火攻破十餘宅斃匪二千餘生擒趙金龍之子趙幅金趙滿仔及趙金龍之弟趙金旺頭目趙文鳳李德明等連逆黨五十餘人奪獲大砍七位刀槍器械三千餘件自四月初六日起至十六日止計擒殺逆猶六千餘人餘匪不及十分之一首逆計日可以生擒勦辦甚屬可嘉之至盧坤羅思舉余步雲俱著先行交部從優議敘並頒賞盧坤白玉翎管一箇白玉搬指一箇小刀一把黃瓣珊瑚豆大荷包一對小荷包四箇羅思舉白玉翎管

一箇白玉搬指一箇小刀一把大荷包一對小荷包四箇余步雲
白玉搬指一箇小刀一把大荷包一對小荷包四箇以示嘉獎該
將弁兵勇等因連日陰雨俱站立雨水泥淖中朕心深爲軫念並
發出玉柄小刀九把象牙柄小刀十一把大荷包十對小荷包二
十箇著盧坤等分賞尤爲出力將弁兵丁其被脅男婦千餘人著
令眼同認明是否有趙金隴在內訊明分別辦理○丙午諭三載
賓興爲掄才大典各直省主試經朕特加簡任宜何如滌慮洗心
認真校閱務求爲國得人順天同考官及會試同考官俱係翰詹
科道部屬該員等甲第本高又經朕親加校試尙無荒謬之人充
選所以得人較盛各直省同考官則年老舉人居多勢不能振作
精神悉心閱卷卽有近科進士亦不免經手簿書錢穀文理日就
荒蕪各省督撫雖照例考試廉官仍恐視爲具文全恃主試授閱

落卷庶可嚴去取而拔真才士子握槧懷鉛三年大比一經屈抑
又須三年考試或竟有終身淪棄者豈不可惜該主試俱係科甲
出身試回思未第之先芸窗誦讀與多士何異若止就薦卷照常
挑選而於落卷漠不關情設身處地於心何忍嗣後各直省督撫
務將策官認真考校不得以年老荒謬之員濫行充數其典試各
員必須將閩中試卷全行校閱不得僅就薦卷取中方爲不負委
任見屆前放雲南貴州考官之時剴切詳明特申誥誠儻各省正
副考官草率從事一經朕別有訪聞卽將該主試嚴懲不貸○是
月再給江蘇揚州水災倉穀

五月丁未朔裁福建水陸各營及浙江馬步兵有差○壬子諭盧
坤等由六百里加緊馳奏連日焚勦逆猺埽數蕩平首逆趙金隴
業已殲斃一摺覽奏欣慰此次湖南江華縣逆猺趙金隴聚眾滋

事傷及大員官兵深堪痛恨經朕調派羅思舉等前往勦辦並令
盧坤親往會勦昨據奏報該逆等在羊泉地方被我兵四面圍攻
自四月初六日起至十六日止計擒殺猶逆六千餘人餘匪不及
十分之一業已勢窮力蹙茲據奏二十一二等日羅思舉親率副
將祥福等帶領弁兵由東南面余步雲親率副將張必祿等帶領
弁兵由西面總兵曾勝等帶領官兵由北面合力進攻用火彈火
藥擲入賊巢斃逆不計其數二十三日仍用火焚攻斃逆匪數百
人投出男婦幼孩一百餘名二十四日復挑選湖南湖北各營果
銳兵勇一齊進攻槍礮兼施直至未刻將賊眾所踞房屋槩行燒
毀焚斃逆猶無算生擒多人二十五六等日官兵逐細搜尋賊匪
實已全殲並無一名漏網當就生擒各犯及趙金龍子弟詳加訊
問均稱該犯已死於羊泉街內且自羊泉圍困以來先後獲賊數

千人並無一人供稱首逆逃竄之語其爲趙金龍被殲尙屬可信
該逆罪大惡極必應生擒解京盡法懲治方足以彰國憲而快人
心今據稱殲斃未能生擒不滿朕望惟盧坤等此番勦辦該逆一
切機宜俱臻妥速且調度有方深堪嘉尙盧坤羅思舉俱著加恩
賞戴雙眼花翎並賞給一等輕車都尉世職余步雲著加恩賞給
太子少保銜仍交部從優議敘以示獎勵其總兵副將以下各員
著該督等擇其實在尤爲出力者酌量保奏候朕施恩其餘將弁
兵丁及在事出力文員並著細覈等第奏請分別鼓勵所有羊泉
陣亡千把總三員兵一百五十八名受傷官二十二員兵五百九
十二名卽著分別題咨照例辦理發去雙眼花翎二支著盧坤羅
思舉祇領○甲寅諭富俊奏謹抒管見一摺國家尙儉去奢原所
以挽澆風而臻上理然亦須化之以漸若一味束縛馳驟尙復成

何政體富俊前請申明舊例嚴禁僭用服色業經降旨准行此次
復請將條款出示曉諭朕詳加披閱亦屬會典所有至請嚴飭步
軍統領衙門順天府五城嚴拏違禁服用者治罪並請剝拔入官
以備變價獎賞捕人則是開根徒訐告之風而啓吏胥擾累之弊
所請文武一品大臣賞給家人虛金頂二箇文武二品大臣賞給
家人虛金頂一箇尤屬非是惟名與器不可假人此輩地處寒微
不過給使令之役卽大爲防閑猶恐倚勢作威若准其戴用金頂
何所顧忌必至恃符滋事而後已其所稱窒礙觀瞻之處實屬自
相矛盾所奏斷不可行著無庸議○裁東河泉州通判○裁山東
泰安武定兗州曹州沂州東昌青州萊州登州九府司獄並臨清
州稅課大使○乙卯軍機大臣刑部奏審擬王法中結會傳徒案
內究出尹老須聚眾習教一案得旨此案尹老須卽尹資源接管

劉功離卦教自稱南陽佛創立朝考等場黑風等劫名目神奇其說煽惑至數千人之多勾結至三省之遠狂悖已極尹老須卽尹資源著卽凌遲處死仍傳首犯事地方以昭炯戒尹明仁聽從伊父習教多年實屬世濟其惡尹明仁著卽處斬韓老吉蕭滋依議應斬著監候入於本年朝審情實辦理其失察之地方官及查辦不實各員著吏部查取職名分別議處○丙辰諭御史陳焯奏請整飭吏治一摺所奏是從來稂莠不去嘉禾不生而莠民中惟會匪之惑人最甚州縣一有見聞卽認真查辦自可淨絕根株近來不肖州縣非但不肯查拏更復多方掩飾卽訪出會匪名目該督撫意存消弭遂令匪徒有恃滋生厲階卽如趙金龍逆黨六七千人其中豈無會匪乃地方官專以搖匪滋事爲詞幸免失察之咎各直省大率類此嗣後各督撫務須嚴飭所屬留心訪察遇有會

匪卽嚴密查拏毋許諱飾除莠卽以安良而會匪自絕矣近日京控事件每有山僻兇徒聚眾毆斃之案地方官因其地僻人罕不敢緝拏往往案懸數載致令僕僕來京具控國家設官分職本以戢奸宄而安善良若漏網可容覆盆莫雪彼無知之民習見其事已萌去良爲暴之意而一二黠桀之徒設法勾引千百爲羣動釀巨案此吏治所以日壞兇殘罔知所做也著各督撫飭屬嚴拏兇頑羣毆等案按律懲治不得存化大爲小之見則國法森嚴火烈難犯良民各安耕鑿矣州縣遇有緝拏案件不能不用胥役而會匪梟徒土豪巨盜皆能賄通胥役其尤黠者令黨與潛充盤踞遇事諱飾地方官清謹自守尚不免爲其所欺况簠簋不飭從事苞苴以胥役爲爪牙則得錢賣放之弊不在吏而在官尙復何所顧忌著各督撫嚴飭州縣官遇有查拏人犯限日務獲如有賄縱盡

法處治隻案後尤宜虛衷研鞫務得確情毋任胥吏變亂是非則
虛堂惡境不至譎張爲幻矣至於奸民巢穴多在交界處所此拏
彼竄地方官遇事推諉不肯認眞遇有奸盜延閣不辦而匪徒潛
藏其間毫末不拔將尋斧柯弊有不可勝言者其安徽潁亳與河
南毗連鹽梟最易充斥僥不認眞查拏必致釀成巨案各省交界
似此者亦復不少著各督撫留心稽察遇有奸邪密咨鄰境不分
畛域嚴拏務獲勿令漏網則積習立破奸宄無所匿矣朕勤恤民
隱惟日孜孜常思懲兇頑於已著禁邪慝於未萌法紀肅而吏不
爲奸淵藪靖而固于予正總在督撫大吏體朕之心爲心以民之
事爲事正己率屬賢者知所勸不肖者知所懲吏治蒸蒸日臻上
理實有厚望焉○諭軍機大臣等昨據楊遇春等奏貴德卡外恩
昂拉千戶所管入大族住牧循化卡外地面內有楊弄右弄翁弄

鐵哇合爾哇東什當水乃害各番聚集多人騎馬持械各路搶劫
當卽飭委署循化同知州判夏日瑚等帶領撒拉回民一千名漢
土弁兵三百名前往彈壓該番等膽敢抗拒柏斃撒拉回民二名
該署同知等督率漢土官兵開槍轟擊打死番賊六名燒毀房屋
數十間番賊等逃竄入山經撒拉回民就近搜捕殺斃番賊十五
名帶傷逃跑者十餘名經該文武各員派委土千總楊萬士等喚
出該族總管千戶觀木卻合諭令獻出積匪並拒敵番賊二十名
出具永不爲賊搶劫甘結等語朕聞撒拉回民賦性獵悍時常械
鬪素非安靜之徒向來卡外小有不靖從未派令前往拒敵誠以
用其力而不稍示以恩必生怨望若遽加以獎勵而若輩自恃爲
國出力其恣肆又有不可勝言者且回性貪婪恐未易滿其覬覦
之意儻此端一開將來該回番等互相尋釁仇殺尤不成事體流

弊所滋不可不防之於始此案事屬既往姑勿深究至此次派用
撒拉回民是否係恒敬一人主見抑曾與該督往返札商著楊遇
春確查情形有無滋弊及究係何人主見之處據實明白覆奏○
庚申 上詣 黑龍潭祈雨○兩江總督陶澍奏籌議淮北試行
票鹽章程民販納稅請票應自十引至百引以上爲一票每鹽四
百斤爲一引於板浦中正臨興三場適中處建立局廠由運司遴
委委員每局一人於三六九日各照票引發鹽眼同民販逐包稱
驗再於水陸交通之海州房山大尹山吳家集設立三卡由運司
委員督查如有查出多帶惟局員是問卡員亦不得稽留需索其
餘經過各關及鹽捕衙門驗票放行毋得擾累稽延至臨興場所
屬唐生興莊柘汪三壘向設青口食鹽店今旣改行稟鹽應卽裁
撤如有地棍土豪私立鹽關索費包送應嚴飭文武地方官認真

查拏如有私梟偷渡黃河應責成黃河北岸之邳北宿北桃北外
北山安海安南岸之宿南桃南外南海防海阜等十二廳營督率
文武汛官卽將渡船水手加重治罪暢岸運商如有願認旁近滯
岸者其暢岸應仍按原引完課以免虛占票地轉致暢岸缺銷至
文武衙門往往私設陋規書役更多需索一經商販訐告或別經
發覺卽嚴行究辦以除積弊而肅鹽政從之○癸亥諭嗣後凡遇
貢院考試奏派都察院滿漢堂官各一員專司稽查○乙丑諭各
督撫遇有題調缺出先儘正途不得以佐雜應升人員超越○戊
辰 上詣 天神壇祈雨 御製祝文○己巳詔刑部清釐庶獄
○辛未諭軍機大臣等李鴻賓奏猶匪土匪串通窮猾搶劫連次
搜捕並親往查辦一摺覽奏均悉前因楚猺趙金龍滋事廣東調
往各兵防堵楚猺多派西路分駐隘口東路各汛兵單猺匪遂乘

機窺伺糾約乏食窮猺赴村搶劫四月初六日猺匪二三百人至倒流汎焚搶經汎兵抵禦傷斃猺匪數十名十三日猺匪復聚仍向倒流汎毗連之竹子坪搶劫經副將王科派兵攻擊槍斃猺匪五名十八日官兵屯駐鐵坑聞後山新寨猺匪聚眾兵勇合力圍攻槍斃猺匪二十餘名奪獲鳥槍等件燒毀新寨猺房一百餘間又於二十四日經官兵入山搜捕先將老寨猺匪房屋盡行燒毀官兵踰山涉險行至大木根地方見猺匪數百人經破壘散旋又趕來先後擊斃七八十人餘匪退入山崗東路猺匪一月中雖已解散至今出沒無常遣人查探仍然意圖搶劫自應實力圍捕見在調往連州兵丁共六千名兵力不爲不厚况湖南逆猺已於羊泉全行殲斃該猺定已聞風膽落所有防堵要隘各兵正可撤回歸併西路協力擒捕該督見在行抵連州卽著督率提鎮激勵將

備兵丁一鼓作氣聚而殲旃勿留餘孽以靖地方朕計日以待務
須趕緊妥協歲事毋稍遲延干咎○予江蘇殉節之元人吳江吳
清明人任崑臣祠祀○壬申裁廣東廣西馬步守兵有差○乙亥
諭在京部院及旗營於所屬文武員弁嚴行激汰○定刑部見審
各案開具略節註明收審月日每月具奏一次例○是月貸山西
大同等三縣被災兵民倉穀糴徵山西臨汾等四州縣逋穀江蘇
蘇松及江西各幫屯田餘米緩徵江蘇上元等六縣水災新舊額
賦及河灘學租

六月戊寅命曾勝帶兵二千名馳赴廣東協辦猺匪○庚辰 上
步詣社稷壇祈雨 御製祝文○辛巳諭京師入夏以來甚形
亢旱昨經躬祀 社稷壇虔誠步禱尙未渥沛甘霖朕甚懼焉因
思本年辦理尹老須等案緝拏犯證官役四出擾及閭閻百姓皆

吾赤子若一身習教累及一家一家習教累及一鄉卽此已干天和朕夙夜兢兢非特有所不忍實有所不敢嗣後除逆情已露爲國法所不宥外其前次令該督撫查拏餘犯著琦善陶澍訥爾經額楊國楨林則徐鄧廷楨善體朕意妥爲辦理無枉無縱○壬午諭朕思致旱之由必有所自應天以實不以文在平時卽當夙夜維寅以消祲沴至遇災而懼已屬補救於臨時况敢以規爲瑱乎著在京各衙門例准奏事人員於恒賜之由請雨之事國計民生之大用人行政之宜據誠直言各抒所見○諭自古帝王覺世牖民止此君臣父子之經禮義廉恥之訓朝廷以是爲修明師儒以是爲講習無二教也自邪說誣民創立教名展轉傳習流毒無窮一經破案貽害多人求福轉以速禍深堪憫惻各督撫務須剴切徧諭愚民俾知迪吉逆凶各安耕鑿毋再結會傳徒致干罪戾○

裁直隸天津府海防同知宣化府同知廣平府通判大名府通判
河間府泊河通判新安縣知縣並管河縣丞及典史教諭訓導霸
州清河管河州判晉州州判武清縣要兒渡管河縣丞雄縣管河
縣丞高陽縣管河縣丞武清縣東陽村管河主簿任邱縣管河主
簿正定縣兼河主簿故城縣鄭家口行唐縣兩嶺口交河縣新橋
延慶州永甯各巡檢保安州訓導○甲申諭鄧廷楨奏釋回習教
案內遣犯延不歸籍請分別查辦一摺所奏甚是邪教煽惑愚民
最爲世道人心之害前回城各遣犯經該將軍等奏請念其稍效
微勞准令免罪釋回其邪教案內人犯亦在奏准之例實冀該犯
等湔除舊惡勉爲良善如果感激恩施痛改前非業經該將軍等
給與路照自必心懲故土趕緊回籍茲據該撫查明安徽省釋回
遣犯十餘名僅張臣柱等三名到籍其餘各犯迄今並無蹤迹難

保其不潛匿異地故智復萌儻鄉愚一經誘惑是該犯等甫邀法外之恩轉使多人陷於法中爲害甚鉅安徽一省如此他省亦恐不免除釋回各犯內其尙知畏法已經回籍者各督撫嚴飭該管地方官隨時稽察嚴加管束其延未歸籍或仍在配所或匿在中途不可不分別查辦著陝甘總督並直省各督撫確切查明釋回各省邪教案內造犯如已得有路照在中途逗留卽係自外生成不思悛改之徒一經查獲卽由拏獲地方仍照原犯罪名發遣不准釋回以杜滋蔓而靖地方○丁亥 上詣 黑龍潭祈雨○諭各督撫於所屬有潔己愛民誠心辦公者秉公保奏○己丑諭京師入夏以來甚形亢旱見在節過小暑迫不可待風日炎燥深切憂勞前經親禱 三壇復躬祀 社稷壇虔誠步禱小雨廉纖未蒙優渥朕敬 天之威軫民之依中心如焚倍形焦灼特親撰祝

文擇於本月十八日敬舉告祭 方澤典禮度申步禱十五日先期進宮撤膳虔齊思過待 命以期 皇祇眷佑立沛甘霖庶回百穀之生而蘇萬民之命所有應行典禮各該衙門卽照例敬謹豫備其齋戒閱視祝版告祭服色均照步禱 社稷壇禮行應否設立 配位之處著軍機大臣會同禮部堂官速議具奏尋奏伏查告祭 方澤典禮例無明文應請倣照 大雩典禮不設 列祖配位所有樂章照 方澤大祀惟減去進俎樂一成其餘典禮均請照 大雩禮行從之○辛卯諭軍機大臣等李鴻賓等奏分路勦捕猺匪因中路卡房火藥焚燒與東西兩路將弁兵丁均有傷亡見仍設法勦辦一摺朕盼望捷音日日以冀乃李鴻賓等奏到勦捕情形雖據稱三路進兵殲斃猺匪六百餘人而中路都司王珍東路遊擊謝國榮西路遊擊史鵠均因燒傷石傷槍傷致斃

其中路弁兵因火燒斃及墜巖跌斃者約五十餘員名傷亡者約二十餘員名東西兩路傷亡弁兵約共十餘員名覽奏實深憤懣且所奏俱係敷衍空言尙多不實不盡廣東猺匪自上年十二月楚逆趙金龍滋事卽已勾結本年二月初閒在連山西路余高汎一帶搶掠若使及早撲滅何至分作三路屯聚至六七處之多其中路猺匪經劉榮慶帶領總兵余得彪分爲五路鈔圍自己至酉未能得手摺卡暫息以備次早再勦至二更時候有匪撲卡經余得彪徵斃數人兵丁向藥桶取藥該匪等自山頭將火包拋入致火藥桶發草木延燒弁兵站立不住紛紛墜巖尤堪駭異此必有奸匪乘夜劫營出我不意以致墮賊奸計傷亡多員實堪憤恨所奏東路沿途山路被匪竊斷此又明係數月之久惟事防堵將弁等未嘗親發一矢俾匪徒得以從容先期將要路竊斷山徑無處

通行雖殲斃六百餘名所得實不償所失試思該省調集官兵已六千名兵力不爲不厚據奏五月以前因楚猶尙未撲滅粵省未敢防勦兼行致該匪空距不能前進卽繞山越險其門前又係懸巖置柵壘石堵築高堅祖礮驟難打進兵貴神速豈有觀望鄰省賊匪撲滅再行進勦之理李鴻賓卽不知兵亦何至束手無措一至於此其所奏稍寬時日殊不成話該督等旣已玩泄於前豈宜復遷延於後前據福恩瑚松額盧坤奏派新授南韶連鎮總兵阿精阿帶領見未回營之貴州鎮筸道標等營兵勇五百名再令曾勝分兵五百名交參將興安泰帶領先赴連州聽候調遣曾勝俟辦理逃匪完竣後再帶精兵一千名赴粵策應等語見已降旨令余步雲署理廣東提督余步雲久歷戎行該督等俟余步雲到粵卽會同相機迅速勦辦聚而殲旃勿留餘孽毋再遲延

于咎懲之慎之又李鴻賓另片奏劉榮慶不嫻戰陣且年將七十
兩耳重聽近又染瘴似此年老無能豈復能勝專閫重任劉榮慶
已明降諭旨勒令休致其應得處分俟事竣補參余步雲未到粵
以前著蘇兆熊暫行署理廣西尚有防堵事宜不可無大員彈壓
俟余步雲接印後卽回廣西提督本任所奏廣西省調兵三千八
百餘名鄉勇二千餘名陸續撤回並將鄉勇妥爲安置俱著照所
請行備廣東省須用廣西兵勇卽酌量調用可也○壬辰諭前因
逆猺趙金龍滋擾事起湖南在廣東界屬毗連卽有一二搶掠匪
徒亦不過被其勾結當湖南進剿之時卽降旨交李鴻賓妥辦若
果先事豫防經此數月之久一切調度自必得宜何至任其蔓延
致匪徒得以肆啟狡謀先將要路空斷用兵之道貴在神速該督
聞信卽應迅赴該處趕緊督辦乃因循姑待直至四月閒奏請前

往五月十三日始抵連州且據奏稱俟湖南猺匪辦竣後再行籌
辦尤屬有意觀望坐失事機又據奏劉榮慶年將七旬兩耳重聽
勦辦未能得力此等衰庸之員早應參劾何得久事姑容濫玷專
聞及至統兵前進又聽其一籌莫展不能迅速立功李鴻賓卽不
知兵於地方匪徒既不能查辦於前而委任統兵復不得人種種
錯謬厥咎甚重著交部嚴加議處劉榮慶既經前抵連州卽當妥
爲籌辦乃身膺提督大員竟束手無策咎實難辭昨已降旨勒令
休致著一併交部嚴加議處尋議上得旨李鴻賓照溺職例議以
革職貢屬各所應得惟猺匪尙須勦捕調兵籌餉正在喫緊之時
李鴻賓著拔去花翎改爲革職留任以觀後效劉榮慶昨已降旨
勒令休致著照部議革職○癸巳 上自 地壇門外步詣 方
澤祈雨 御製祝文曰伏思天下之廣不免水旱難濟卽偶遇愆

陽缺雨銜誠致禱均蒙立沛甘霖咸叨 恩脫今歲入夏以來經
月不雨非常亢旱

臣雖憂懼難名亦無補救步禱

三壇 社稷

未荷 殊恩總緣

臣

愆尤日積不戒於驕侈卽有敗度敗禮之行

或一念之差有干 天罰或用人行政逞已見而失正當茲當

垂慈示儆雖深自咎悔已云無及謹齋戒祈禱步叩 方澤欽惟

后土皇地祇德配 上天 功昭下土當茲旱旣太甚之時序

逢小暑之後萬姓嗷嗷百穀難望君爲輕氏何罪嗚呼愧悚交加

莫知所措敬祈 后土皇地祇赦

臣

已往許以自新立沛 恩膏

以拯萬姓

臣

無任憂惕慚悔之至 ○ 甲午命定親王奕紹詣 泰

山祈雨 御製祝文 ○ 乙未諭富俊奏年力就衰並因天時亢旱

自陳奉職無狀懇請休致秦漢以來往往有因災異策免三公之

事詩書不載唐虞三代固未之聞我朝設立大學士卽古之三公

居是職者亦未嘗因水旱愆貲陳情乞罷大學士贊治綸扉當此
恒陽不雨宵旰焦憂尤當實心爲國佐朕勤勤求理以冀默感天
和何事遠求引退自卽便逸爲耶至奏稱年已八旬有四精力衰
邁試思滿漢諸臣擢用爲大學士者雖不盡論年資亦必數歷既
久宣力有年年齒雖高朕方倚畀而臣下轉藉詞乞身亦非以誠
事君之道此端斷不可開富俊自請休致之處著不准行○諭盧
坤等奏參革知州自揣年力強健不甘廢棄情願自備貲斧留於
襄陽等屬幫同緝捕等語前任隨州參革知州徐步雲於隨州任
內客民周俊英等六家同日被搶僅將二案詳報參奏革職嗣經
訊明因金光大等於喊稟後遣人補報未開失單差傳又不到案
是以未將同日被搶情由一併聲明尙無抑勒諱飾情弊此等人
貪業經議以革職自應早日飭令回籍豈容任其遷延觀望藉事

黃綠前因劉湜參革後四年之久不肯回籍陶澍等奏請降捐通
判特旨駁斥乃該督等仍以徐步雲熟悉地方情形輒令會同偵
緝盜匪並聲請俟所獲各犯審擬完結再行酌量辦理顯係該督
等瞻徇情面爲屬員見好乞恩地步希圖起復此風斷不可長徐
步雲著卽飭令回籍毋得聽其任意逗留○丙申諭軍機大臣等
據哈哏阿等奏霍罕伯克邁買底里遣使進表帶領貿易安集延
一百餘人送出裏脅喀什噶爾回子八十餘名攜帶貨物馬匹羊
隻進卡哈哏阿等卽向夷使弔噶爾拜等宣示恩旨通商免稅該
夷使畏威懷德感激出於至誠覽奏欣慰霍罕旣經悔罪輸誠自
當赦其已往准令入卡貿易並免課稅哈哏阿等卽嚴飭本城回
商向該夷頭目公平定價與內地商民妥爲交易並嚴禁官役人
等從中干預別滋事端璧昌總理八城回務是其專責尤宜隨時

隨事悉心稽察務期杜絕弊源永緩邊圉黨經理不善將來又有
苛求剋扣貪婪不法情事致啓釁端惟該參贊是問慄之慎之繕
寄諭帖一道哈哴阿等畱看後應如何發交霍罕之處仍照上次
辦理哈哴阿俟通商事定察看夷情帖服於筵宴後再行奏明起
程回京○丁酉諭昨據哈哴阿等奏霍罕伯克邁買底里遣使進
表送出裏脅喀什噶爾回子八十餘名攜帶貨物馬匹羊隻進卡
經哈哴阿等宣示恩旨通商免稅當將表文給伊薩克閱看並令
譯出與哈哴阿等所奏相符該霍罕畏威懷德感激出於至誠從
此邊圉可期綏靖因思松筠曾經奏及霍罕通商邊境卽安靜無
患松筠在西陲最久所奏不爲無見上年松筠因蔣兆璠稟許徐
寅第案內牽涉以三品銜休致朕不以人廢言且念其究係三朝
老臣松筠著加恩賞還頭品頂帶署正黃旗漢軍副都統以示朕

眷念耆臣之意○以桂良署江蘇布政使

前任廣東布政使

○御史馮贊

勵委請復設巡察官觀風整俗一摺得旨著大學士軍機大臣會同吏部都察院妥議具奏尋議奏該御史請照雍正年間設巡察官徧行各府專司巡察其地方呈詞督撫已審結而翻控者准其親提審訊惟各省督撫悉由灼知慎簡受恩既深數厯亦久若盡委其任於巡察是未示信任於重臣而專寄耳目於新進設奉使非人私謁苞苴皆所不免是畀以糾劾官吏之權適足開餽遺逢迎之漸所請應無庸議從之○己亥諭前因京師亢旱朕躬祀

天神壇 社稷壇本月十八日復步禱 方澤祈雨竭誠籲懇均

蒙濃雲四布微雨飄灑尙未渥沛甘霖見在節屆大暑迫不可待朕心彌形焦灼敬稽乾隆二十四年 皇祖高宗純皇帝恭行
大雩之禮朕夙夜戰兢省躬思過特親撰祝文擇於六月二十日

日敬舉 大雩典禮據誠步禱爲民請命以祈 天佑二十五日

卽進宮撤膳虔齋敬謹待 命齋戒之日戴緯帽穿常服不挂朝

珠二十七日閱視祝版恭詣 天壇齋宿戴雨纓帽穿青鞋二十

八日禮成後穿常服不挂朝珠所有應行典禮各該衙門卽照例

敬謹豫備○命五城設廠平糴○辛丑裁河南淅川縣知縣湯陰

縣宜溝驛驛丞改南陽府同知爲淅川撫民同知駐淅川縣淅川

縣典史爲照磨兼司獄事南陽縣縣丞爲荆子關分防縣丞駐荆

子關歸淅川廳轄○裁江蘇安徽各標馬步兵有差○壬寅 上

乘馬至 天壇門外步詣 南郊齋宿○癸卯 上自齋宮步詣

圜丘行 大雩禮 御製祝文曰嗚呼 皇天世不有非常之

變不敢舉非常之典今歲亢旱異常經夏不雨豈但稼穡人民俟

罹災患卽昆蟲草木亦不遂其生臣忝居人上有治世安民之責

雖寢食難安焦憂悚惕終未獲沛甘霖日前

社稷壇

方澤致

齋期內已經濃雲四布微雨飄灑而不能暢施仰見

天心仁愛

總緣臣舉日深鮮誠鮮敬不能上感

天心而叨

鴻既敬稽乾

隆二十四年 皇祖高宗純皇帝恭行

大雩之禮

臣於萬不得

已仰溯 成規戰兢干冒省躬思過冀可仰邀

赦宥抑臣視事

不敬驕侈之心不覺萌而萌與日久怠於庶政不能憂勤惕勵與

出言不謹有干譴責與賞功罰舉輕重不得其平與重起陵園勞

民傷財與任官不得其當以致政有叢脞與刑罰不得其平含冤

無所控告與懲辦邪教濫及無辜之人與官吏欺蒙民隱不能上

達與西陲連次用兵未免殺戮之慘而務邊功與南省災民賑恤

不得其宜委於溝壑者眾與楚粵逆猺勦撫不當以致民遭塗炭

與凡此者皆臣思慮所及宜加追勉省改其思慮所不及者蓋有

之矣伏祈

皇天赦

臣恩蒙許

臣自新無辜萬姓因

臣一人是累

臣臣

臣^臣更難追矣夏徂秋至實難再逾叩禱

皇天速施解作之

恩立沛神功之雨以拯民命稍贖

臣愆鳴呼

皇天其鑒之嗚呼

皇天其惠之

臣不勝憂懼惶恐之至

○是日雨○甲辰諭軍機

大臣等本日據禧恩等奏詳查逆獄案內審訊各情節並粵猺竄

入楚境迅卽撲滅捉事竣前赴連州各摺覽奏均悉據禧恩等奏

提到兵丁熊生發等訊明在洋泉街殺斃之猺匪所指面貌各情

節似與逆猺趙金隴年紀面貌尙屬脗合其各處搜捕零匪並無

該逆藏匿蹤迹其爲實係殲斃之處似屬可信該逆之妻趙盤氏

已被官兵勦斃趙幅銀妻子見飭屬嚴拏此外並無逆屬竄出趙

文鳳之弟趙文虎趙文鳳之妻趙盤氏無庸解京應卽照律擬罪

至稱粵猺三四百人一起在蘭山之爛泥坳至江華之豪江沖聚

巢裏脅已有二千餘人由大小林崗沖劫掠斷錦田糧道經禱恩等飛檄文武員弁防堵余步雲曾勝於五月二十一日到錦田飭參將興安泰帶兵五百名至豪江堵截猺匪衝出撲營該參將施放槍礮將賊目擊斃二十三日副將張必祿參將王錫朋興安泰在前探勦余步雲曾勝率隊繼進跟追四十餘里至銀匠沖猺匪占據三處山頭張必祿王錫朋奮力上攻曾勝督同興安泰等向賊占右山仰擊余步雲向賊占左山鈔殺立斃猺匪數十名賊弁退逃竄殺斃不計其數尙有賊一二百人欲由葛藤沖竄回廣東經防堵大橋之都司色成額守備楊昌凱攔頭勦殺擒獲五十餘名餘向麻崗沖逃竄復飭將弁嚴加搜捕據報在麻崗地方將該匪趙仔青暨該匪妻子女擒獲趙仔青訊明凌遲處死其妻楊氏子趙狗兒女趙三妹由盧坤歸入逆犯案內照例辦理各等語此

次粵猺趙仔青竄入楚境沿途裹脅至二千餘人之多往來遊奕俱在深山密箐勦捕較難禧恩等咨會余步雲並飭會勝會同防捕兜勦旬日之內將猺匪大股殲除並將首匪趙仔青生擒正法餘匪亦悉就擒辦理尙屬迅速業經明降諭旨將盧坤等交部議敘王錫朋等加恩升補至未獲之猺匪趙仔漋數十人逃竄著卽查拏務獲勿致漏網湖南官兵如此奮勇勤勞粵省則庸懦不堪可惡之至設若湖南提督鎮將等亦如粵省之無能則蕞爾猺匪不知欲釀出何許事端粵省當逆猺趙金隴滋事時並不速爲籌辦以致猺匪滋蔓竄入湖南境界已屬玩延見在連州等處猺匪仍復跳梁尙未歲事福恩瑚松額請前赴該處妥籌勦撫之策所見甚是抵粵後卽確查該省辦理情形何以數月之久尙復蔓延如此從嚴參辦○是月貸江蘇淮安衛水災屯田籽種緩徵直隸

三河等十二縣新舊額賦

臣王先謙敬編

周潤蕃恭校

秋七月乙巳朔諭前據楊遇春等奏貴德卡外思昂拉番族搶劫
派用撒拉回民彈壓搜捕朕恩撒拉回民賊性猖悍向來卡外小
有不靖從未派令前往拒敵當降旨令楊遇春將此次派用撒拉
回民究係何人主見據實覆奏茲據奏恒敬酌派兵回前往後始
行札知該督是此次派用撒拉回民自係恒敬一人主見不知事
體之輕重實屬冒昧著傳旨申飭嗣後如有卡外搶劫等案不得
派用回民仍令報官查辦以杜流弊○丙午雨○諭本年英吉利
國商船駛至福建江蘇浙江等省已經各該省督撫嚴飭沿海將
弁驅逐出境本日又據訥爾經額奏六月十八日有英吉利商船

復駛至山東洋面並刊刻通商事略說二紙大意以粵省買賣不
公希冀另圖貿易爲言已經訥爾經額嚴飭將弁在彼彈壓不許
居民私相交易一俟南風稍息卽督押南駛驅出東境因思該國
向例止准在廣東貿易立法綦嚴乃明知故違且以廣東買賣不
公爲詞是否廣東洋商貿易不能公平抑或另有他故著李鴻賓
等體察情形據實具奏至夷船駛入內地必先由廣東洋面經過
如果水師員弁實力巡堵何至令其北駛至一經關入內洋則洋
面遼闊阻截較難卽多派兵船驅逐截回或致別生事端實屬不
成政體著李鴻賓等妥籌防堵章程並諭以天朝定制該國止准
在廣東貿易不准任意駛入內洋就地銷貨俾恪遵定例是爲正
辦並飭李增階督率水師隨時稽查倘有北駛夷船力行截回如
再有闖入沿海內洋者惟該督等是問○丁未大雨○諭前因原

任伊犁參贊大臣容安身爲統兵大員不知緩急當英吉沙爾喀
什噶爾二城待援甚亟容安庸懦無能坐擁重兵不趕緊由葉爾
羌進發乃令哈豐阿等繞道和闐前往以致耽延一月之久畏葸
不前貽誤軍務業經問擬大辟解部監禁入朝審情實辦理實屬
罪所應得姑念伊曾祖阿桂平定西陲經理新疆周詳妥協嗣勦
辦大小金川又勦捕撒拉爾及石峰堡回匪立就殄平入任綸扉
贊襄樞要二十餘年懋績丕著有古大臣之風嘉慶年間 賜諡
文成並入祀賢良祠道光三年加恩配饗 太廟功加於時實堪
嘉獎那彥成雖經獲咎而在嘉慶年間曾在軍營出力道光年間
兩任總督宣力中外尙無貽誤若使容安觀望遷延英吉沙爾喀
什噶爾二城竟至失事朕必照軍法嚴辦示懲斷不能曲加寬宥
彼時二城安堵見在霍罕伯克遣使進表極爲恭順一切善後事

宜經長齡等妥爲辦理朕軫念盡臣推恩後裔容安尙可寬其一
綏量從末減著加恩貸其一死發往吉林充當苦差○己酉諭昨
日吏部將滿洲二品廕生分部學習期滿以主事補用之庚長一
員帶領引見因念伊祖托津以大學士管理部務宣力有年人甚
謹飭庚長著加恩准其留部遇有主事缺出卽補○庚戌撥米二
千二百石交五城開廠煮賑○壬子撥戶部銀一百萬兩常平倉
穀二十萬石江西新漕三十萬石備直隸賑需○癸丑命順天府
分設七廠平糶○戶部議准協辦大學士兩廣總督李鴻賓等奏
外夷各國均已產鉛請暫停白鉛出洋一摺得旨依議粵東濱臨
大海通洋河道甚多見在白鉛停止出洋誠恐日久疏於防範以
致奸商販運復有偷漏營私等弊著該督等嚴飭關津要隘地方
各官隨時認真巡查遇有私販鉛斤卽照違禁例分別嚴辦仍於

年終取具關廠各官並無出洋白鉛切實印結送部查覈並酌定
稽查章程報部覈辦以垂永久而杜流弊○己未添設塔爾巴哈
台各部落委筆帖式一○庚申以失察尹老須等倡立邪教降琦
善三品頂帶褫花翎歷任各官降革罰俸有差○乙丑廣西賀縣
嵇匪盤均華等滋事祁墳遣兵剿平之○癸酉永定河南六工溢
○甲戌裁湖北施南府通判保康縣訓導○是月賑福建澎湖廳
風災給湖北天門縣水災口糧展緩直隸大城等八十二州廳縣
河南陳留等十六州縣逋賦緩徵福建澎湖廳風災新舊額賦
八月丁丑諭李鴻賓等奏海疆難治要缺人地實在相需請准調
補一摺前因朱桂楨奏請以葉承基調補海陽縣知縣陳鳳圖調
補揭陽縣知縣當經吏部查明該員與例不符業已降旨斥駁茲
據李鴻賓等復以人地實在相需再行瀆請豈通省中舍此二員

別無勝任之人且葉承基本任高要縣係衝繁疲難兼四繁缺與
所請海陽縣衝繁難兼三要缺定例顯有不符陳鳳圖歷俸未滿
三年亦屬違例若各督撫以意爲高下易啓貪緣鑽刺之門於吏
治大有關繫該督等所奏仍不准行所有海陽縣揭陽縣二缺著
該督撫另選合例人員奏請調補○諭從前恬嬪下曾有一女子
因病出宮並奏請病好仍著進宮近又有皇后下女子一人因病
出宮經皇后面奏此女子進宮八年甚屬得力俟病好仍著進宮
均經允准近因檢查見行則例內載凡已出宮女子不許復進宮
出入傳宣內外一切事情亦不准差人至宮門與本主請安例載
甚明在皇后下病出之女子俟病好仍欲令其進內當差原無別
項情事況業經病故恐日後互相效尤既出復入必致滋生事端
不可不防其漸嗣後各宮女子有因病出宮者斷不准奏請病好

仍著進宮通諭各宮知之仍著載入宮中見行則例○己卯裁江蘇華亭縣主簿江甯府鎮江府照磨金壇縣巡檢揚州府檢校○庚辰裁陝西鄜州州同蒲城縣巡檢甯羌州襄城縣驛丞延安府學沔縣學府谷縣學訓導○辛巳諭朕伯儀親王永璇秉性端醇持躬恪慎自幼仰承 皇祖高宗純皇帝恩眷迫我 皇考仁宗睿皇帝親政之初晉封親王 簡界總理吏部及旗營各衙門事務朕御極後因念王年齒既高凡遇內廷宴賚召對特免叩拜王八十壽辰懋加賞賚並將前借王俸未扣銀二萬八千兩全免扣繳復因王年已八旬有三特加恩在紫禁城內乘轎行走於應得王俸外每年加賞俸銀五千兩迨王年八十有六不宜勞勤免其進坤甯宮喫肉每次頒給背燈內一分復降旨嗣後 壽皇殿安佑宮行禮免其隨往如遇行禮日期著於府第內向上行禮以

展誠敬又降旨每歲元旦暨正月十四日宗親筵宴均免入宴屆期頒給果品茶設一席王年將九表而精神矍鑠城內郊外皆有賜第儘可隨意安居從容頤養長承恩禮本日聞王偶遘微疴甫降旨於初九日親詣府第視疾方冀病勢漸愈遽聞薨逝實深震悼朕伯止王一人康強壽考朕篤眷親親疊加優異今王薨逝近支伯叔中更無尊行朕懷益增悲惋著賞給陀羅經被派惇親王縣愷卽日帶領侍衛十人代朕前往賜奠加恩於例賞外由廣儲司加賞銀五千兩經理喪事朕於十一日親臨賜奠以示優崇所有飾終典禮著各該衙門察例具奏尋賜祭葬謚曰慎○甲申裁長蘆滄州運判興國場大使山東膠萊運判登甯場信陽場大使移天津運同駐滄州○乙酉上臨儀親王永璇第賜奠以其子縣志襄爵○辛卯裁安徽徽州府通判旌湖縣縣丞○壬辰以德

春爲左副都御史由通政使遷○甲午諭逆猺趙金隴前在湖南潛蓄異謀聚眾滋事廣東界屬毗連不過小醜被其煽結若果早事攻勦必不至日久蔓延半載有餘尙未嚴討李鴻賓始則觀望遷延坐失事機及赴連州督師仍未能相機趕辦妥速完結朕覺其籌辦不實不善當降旨交禧恩瑚松額確切查明據實具奏茲據禧恩等奏李鴻賓於五月開始抵連州定計分路進剿山深箐密偵探未確卽行進兵墮賊設伏奸計將弁兵勇多有傷亡辦理已屬失宜兩月以來雖間有斬獲亦僅一二搶掠匪徒並未搗穴攻巢擒渠斬馘且意主招安猶匪正在鴉張非大加懲創安能帖然就撫實屬懦弱無能毫無布置節次所奏軍情與禧恩等所查情形亦有未符是其含混入奏不肯從實誤事之罪更無可辭又據禧恩等奏該省調至軍營戰兵六千餘名不憤走山沿海各營兵丁

多有吸食鴉片煙者兵數雖多難於得力該省營伍皆屬總督統轄如果平素整頓操防實心訓練一兵得一兵之用何至臨陣惟怯有名無實徒致虛糜糧餉且以該省兵丁在該省山路行走尤應熟習何得謂之不慣平日廢弛臨事畏葸訓馭種種乖方李鴻賓著革職來京交部治罪已革休致提督劉榮慶營伍乃其專責進剿又不得宜厥罪惟均亦著來京交部一併治罪○諭軍機大臣等據禧恩等奏勦辦連山猺匪連獲勝仗見擬添兵進攻一摺廣東大掌嶺大古坳陽公岐各排沖猺匪六七百人於七月二十二日四路全來直撲營卡經禧恩等分派都司馬全等抵禦攻擊傷斃猺匪二十餘人二十五日大木根大橋頭六對冰崗四沖猺匪漫山寨嶺直撲大營總兵曾勝整隊迎敵復經禧恩等分派都司鄧宏等兩路截殺將大木根大橋頭六對冰崗四沖賊巢全行

燒毀斃猺匪二百餘人二十七日曾勝率兵徑取上下坪並派都司陳連升等分截六對後山官兵奮勇搶占賊隊所踞山梁勦斃猺匪無算餘匪奔竄所辦俱好見在猺匪灰燼之餘應知畏懼雖有猺目出山乞降狼子野心豈足憑信必須痛加勦洗方足以伸天討而快人心惟廣東兵丁不甚得力戰兵僅止黔楚精銳三千名深入剿辦必須厚積兵力往來接應方能得勢所請再調楚省精兵二千名著照所請辦理盧坤羅思舉接到移咨想已照數調撥飛速前來連州禧恩等務當鼓勵士卒直搗賊巢將著名頭目按名擒獲絕其萌蘖散其脅從永靖邊圉方爲不負委任○諭禧恩等奏察看八排猺匪情形一摺據稱於到粵後卽馳赴連山軍營周厯查看八排山勢周環毗連三省山內猺峩是其巢穴周圍小沖七八十處煙戶不下五六萬良莠各居其半匪猺專事搶劫

閒有漢奸窩踞該省自本年正月辦理猺匪劉榮慶帶領防兵三千名勦捕兵力不足彼時各排散猺已被楚省逆猺勾結咸思蠢動劉榮慶不能卽時分勦止就行劫處所抵禦斃一匪而傷數兵得不償失猺匪益無忌憚李鴻賓於五月十三日到連州定計進勦未能偵探明確致猺眾設伏準備總兵余德彪領兵深入已届日暮被猺匪乘夜來劫拋擲火彈將弁兵勇自相踐踏多有傷亡實屬辦理失宜猺匪益肆猖獗兩月以來李鴻賓督兵進勦間有斬獲亦僅就出山肆掠猺匪截殺並未深入其阻且自五月二十二日進山挫折以後該督意主招安猺匪正在鳴張非大加懲創知所畏懼安能帖然就撫該督意圖將就了事實屬懦弱無能誤事之罪已無可辭見已明降諭旨將李鴻賓革職交部治罪並將劉榮慶一併治罪著卽飭令來京兩廣總督已放盧坤並著速

赴連州會同籌辦盧坤未到任以前兩廣總督著禧恩署理又據
查見在調齊之兵雖有一萬餘名廣東本省兵丁居十分之七向
來軟弱不慣走山且沿海各營兵丁多有吸食鴉片煙者該省營
務廢弛平素整頓操防可想而知而知此時自不能得力所請派調湖
南湖北勁旅二千名盧坤等接到移咨自己迅速照數調往著會
同余步雲等相機攻勦務期揭穴擒渠一鼓奏功不得再有遲延
以致老師糜餉至各排沖醜類繁多如果真心督服仍俟盧坤到
時商同妥籌安撫以冀迅速立功所有該省勦捕耽延之咎大概
已悉至起數之由仍著確查據實具奏○命阮元協辦大學士仍
留雲貴總督任○調盧坤爲兩廣總督以訥爾經額爲湖廣總督
鍾祥爲山東巡撫陳鑾爲江西布政使張岳崧爲浙江按察使歸
還使○乙未調陳鑾爲江蘇布政使桂良署江西布政使○王寅

裁江西建昌府九江府通判袁州府撫州府九江府照磨武甯縣
新淦縣德興縣巡檢○是月給山西朔州水災口糧修費蠲緩安
徽懷甯等二十九州縣衛上年水災旱災額賦緩徵福建澎湖廳
災民雜款銀

九月甲辰朔阿勒清阿綠事解任以尹濟源爲山西巡撫劉重麟
爲四川布政使程懷環爲江西按察使由廣東鹽運使遷○調夏修恕爲
安徽按察使色卜星額爲山西按察使○丙午諭軍機大臣等本
日據張井由驛馳奏奸民聚眾強空官隄掣動全黃大溜入湖急
籌堵閉一摺本年淮黃並漲均經隨時搶護平穩八月二十一日
龍窩汎十三堡有湖內奸民駕船攜帶鳥槍器械攔截行人細縛
巡兵將大隄刨空見在口門已寬九十餘丈水深三丈以外大溜
已掣七分勢將全黃入湖殊出情理之外據張井就見獲從犯孫

在山訊出係民人趙步堂雇令空隄此外認識者尙有本縣生員陳堂監生陳端陳光南劉開成及海金周之子並稱陳端等均有地畝多頃濱臨湖邊連年被水欲空放淤地之語殊不足信且奸匪不止見在首犯未獲所供止圖放淤肥地之語殊不足信且奸匪不止此數自必另有爲首之人別圖不法情事均應徹底根究陶澍見赴安徽江西等省閱伍何處接奉諭旨卽著迅速折回將案內人犯嚴審定擬具奏所有全案逸犯務須飭屬密速掩捕細心嚴鞫盡法懲治毋任一名漏網儻有不實不盡致將來另生事端惟陶澍是問再見在黃河勢將全行入湖並著陶澍察看水勢應如何相機鑲築其本年回空軍船尤關緊要是否不至阻滯著陶澍體察情形設法令軍船衝尾歸次毋稍疏虞○命穆彰阿馳往江南會同陶澍查辦事件○丁未諭近來外省積習屬員一經升調卽

拜認師生凡事略分言情無所顧忌更治廢弛職此之由古人公忠體國卽誼屬師生尙不肯以私恩廢公義况受爵公朝拜恩私室上司因是而庇護屬吏以是爲揣摩清夜捫心豈不可恥嗣後直省督撫各宜破除情面賢者舉之不肖者劾之一秉大公毋蹈陋習○諭吏部議處山西巡撫阿勒清阿等請分別革職降調一摺前任山西巡撫阿勒清阿於已革知縣李聯蒙得受贓銀外間旣有傳言無難卽時查訊况將此等劣員調補首縣拜認師生迨該革員贓據已露卽應自避嫌疑據實參劾乃必待眾議沸騰始行奏請革審又不親行提究遲疑遷就動逾數月該撫平日辦事輒弱此案又復徇情庇護實屬咎無可辭阿勒清阿著卽照部議革職山西布政使邱鳴泰山西按察使調任安徽按察使夏修恕冀甯道王志瀛太原府知府王世紱於此案未能審出實情早日

結案實屬有意迎合邱鳴泰夏修恕王志瀛王世紱俱著照部議

降三級調用不准抵銷○調奎照爲工部左侍郎以奕紀爲理藩

院右侍郎

由奉宸苑卿遷由山東運使還

○以岳良署山西布政使

前任布政使江西

怡良爲安

徵按察使

由山東運使還

○張井以河隄盜決奪職暫留河道總督任

○辛亥諭軍機大臣等據禧恩等奏進剿猺匪連獲勝仗各排冲

繳械乞降見籌勦撫兼施一摺勦辦甚屬可嘉朕心欣悅之至已

另降諭旨分別加恩矣據稱各排冲猺匪聞大兵雲集不敢出山

抗拒有軍察馬箭等排約會火燒坪大掌嶺里八崗各排猺目猺

老乞降當飭臬司楊振麟剴切宣諭如果真心投降必須將滋事

首匪擒獻並將器械彙繳出具情願薙髮摘環不敢滋事甘結否

則仍當進剿該猺目等陸續繳出器械仍未將匪猺縛送經禧恩

等督兵進剿連獲勝仗隨有西路紅泥田等十九沖猺眾出寨投

誠懇請免勦禱恩等頒給降猺小旗派員妥爲安置其大掌嶺等
排後山猺眾因我兵進逼甚爲震懼惟陽公岐一冲尙有餘匪潛
聚東路各冲猺人亦願出就撫禱恩等派臬司慶林等查勘有猫
兒坪老寨及六暗馬頭等十九冲猺眾頂香跪迎情願出具保
結並願將從前焚劫之民汎房閒賠修東路匪猺房鴨腳四等俱
經六暗冲良猺細送到官疊劫首匪房八等二十餘名已擒獲正
法各沖投首自贖情詞真摯當派委員弁親入猺寨曉諭西路十
九沖亦已畏罪歸誠其餘未經投出各沖視大排爲進退大排除
行祥一排本未被脅已妥爲安撫外其餘七排惟軍寮火燒坪大
掌嶺油嶺四排人數眾多良莠不齊馬箭里八筒橫坑三排勢已
窮蹙等語該猺匪如果震懾兵威真心誓服將著名各頭目按名
縛獻卽當散其脅從因而示撫以收事半功倍之效盧坤計已到

彼著卽商同妥籌安撫以期迅速歲成功切不可將就了事稍涉疏虞致貽後患是爲至要李鴻賓劉榮慶著禧恩等派委妥員押解來京劉榮慶如已起身回籍著咨明沿途湖南湖北等省該革員行抵何處卽由該省督撫委員押解來京○以勦猺連勝予禧恩獎敘賞總兵曾勝子承禧六品頂帶藍翎○王子諭前以兩淮鹽務自去年辛卯開綱後截至今年四月徵收課銀尙未完三分之二降旨詢問陶澍是否確有把握無誤限期茲據奏稱本年奏銷雖已辦竣綱引尙有存留計九月初閒壬辰甫得開徵以一年未竣之綱應兩年必需之款辦理實形竭蹶並據陳兩淮鹾務疲敝情形又以職任較繁請另簡鹽政專司課務實屬有心取巧國家設官分職豈容私意更張朕以陶澍前任江蘇巡撫擢任兩江總督於兩淮鹾務自所熟悉是以於前此請裁鹽政改歸總督管理

之時降旨允准如果淮鹹疲敝實難整頓何以於奉命任事之時未思及此並無一言陳奏迄乎兼轄兩年辦無成效又思更改不過以專管兼管其勢甚相懸殊爲此避重就輕之計非爲委卸而何如此居心辦事豈公忠體國者之所爲朕綜理庶政惟知賞功罰過視乎其人之自取從前曾煥張青選福珠隆阿福森尙無推諉情事止因辦理不善且立予罷斥況以總督兼轄鹽政辦理較易責無旁貸何得任意推卸且據稱請飭下湖廣江西安徽等省各督撫凡行銷淮引之處招商領運該督既有此奏卽照所請著湖廣等省各督撫一體招徠民商由地方官給照到揚承充領運俾轉運人眾可期起色試思行銷淮引之地除湖廣外皆其所轄於緝私辦運招商等務本無掣肘呼應較靈尙且不能辦理豈改設監政轉能辦理裕如耶若如是朝更暮改不成政體朕不能爲

而朕亦不能對天下矣陶澍著傳旨嚴行申飭該督如有天良卽
振刷精神勉圖自效儻辦理不善有負委任朕惟有執法從事治
以應得之罪不能稍爲寬貸曾燠等卽係前車之鑒標之慎之毋
自貽誤致干重咎○甲寅調奎照爲刑部右侍郎恩銘爲工部左
侍郎○以桓格爲西安將軍松筠署理藩院左侍郎由副都御史遷○以
文慶爲內閣學士兼禮部侍郎銜由副都御史遷○丙辰裁貴州錦屏
縣知縣典史訓導歸開泰縣兼轄改錦屏縣學教諭爲鄉學教諭
設錦屏鄉縣丞一裁磐石司巡檢○戊午諭禧恩等由五百里馳
奏分別勦撫各排沖見經縛獻首匪率眾投誠猺山全境肅清酌
量留撤官兵並確查起釁根由地方官辦理遲延據實奏參各一
摺辦理迅速可嘉之至朕心欣慰此次猺匪在大古坳被官兵勦
散餘匪房大第六等竄入陽公岐及毗連之上腳埢黃瓜沖等處

負固抗拒經禧恩等探明於八月二十二日派副將張必祿等帶領黔楚廣西弁兵由左山梁兜擊陽公岐寨後派副將王錫朋等帶領湖南廣東弁兵由右山梁鈔截前路余步雲與總兵曾勝等帶兵由中路徑進禧恩等在後路接應行至馬頭隘口猺匪一二百人搖旗呼號思撲我兵我兵放槍轟擊立斃十餘人賊眾奔退我兵尾追將及該寨寨內所藏餘匪及奔回匪眾合聚一處抵死迎敵我兵奮勇直入槍礮並發賊匪滾巖落澗者甚多擊斃執旗賊目三人餘由深溝奔潰當卽移兵進剿上腳垠黃瓜沖等處卽有該沖男婦老幼數百人跪地乞命聲稱實係偏脅勉從情願討限設法拏送首匪禧恩等傳諭官兵暫免攻剿勒限三日內縛獻首匪旋於二十三二十五六七等日有大掌嶺降猺帶出陽公岐等處猺眾赴營呈繳槍械具結乞降又據軍寮馬箭里八局火燒

坪油嶺橫坑及行祥各排猺目猺老並各小沖千長人等同赴大營呈遞永不滋事連環保結及各排戶口花名又據火燒坪黃瓜沖等猺眾將疊劫首匪房大第六盤麻三李成意一等三名縛獻並結稱前飭查拏之首匪惟唐阿牛二沈燒酒二名未獲恐已被官兵勦斃容俟寬限訪查不敢隱匿福恩等察其情詞真摯宣諭威德賞給銀牌花紅並將縛獻之房大第六盤麻三李成意一並前獲之鄧三盤文理盤八唐四李一房六等及土匪李安達李成仲等卽在軍前正法梟示使各猺眾該猺眾等俱各伏地叩頭涕泣沖俱令薙髮摘環永爲盛世良猺該猺眾等俱各排

改悔見經委員親入猺寨編查戶口花名設立門牌隨將大營撤出山外將湖南貴州官兵三千四百餘名先行撤回廣西廣東各兵分別遣令歸伍酌留廣西兵一千名廣東兵二千名分駐連山

上下一帶交總兵曾勝管帶以慎巡防俟冬底春初再行察看情形撤回歸伍其前經奏調湖北官兵著卽停止福恩瑚松額前經派往湖南查辦江華猺匪督兵勦捕廣西竄入楚境猺匪甚爲得力及前往廣東於該省事閱半載未能勦辦之猺匪甫抵連州一月卽能大加懲創以振國威各排沖投誠乞命辦理實爲迅速福恩著加恩賞戴三眼花翎伊本係鎮國將軍並著封爲不入八分輔國公瑚松額著賞戴雙眼花翎並賞給一等輕車都尉世職余步雲前在湖南認眞勦辦及調任廣東奮勇出力一切機宜俱臻妥協著加恩賞戴雙眼花翎並賞給一等輕車都尉世職曾勝先派帶兵到廣東屢著勞績勇敢可嘉著加恩賞給提督銜並賞給雲騎尉世職以示獎勵其在事出力人員著查明覈實保奏候朕施恩傷亡兵丁照例咨部辦理其辦理遲延文武各員除李鴻賓

劉榮慶已降旨押解來京交部治罪外所有軍需例准開銷銀兩
內自五月二十二日起至八月二十九日止一切支銷銀款著落
李鴻賓賠繳三成陽江鎮總兵余得彪著降爲水師營都司留粵
候補撤任南韶連鎮總兵得志著以都司守備降補署臬司慶林
著革去按察使以道員用仍交部議處以示懲儆失察文武各員
查取職名送部照例議處曾勝著調補廣東南韶連鎮總兵其高
州鎮總兵恒安著送部引見所遺員缺著阿精阿調補發去三眼
花翎一支著禧恩祇領雙眼花翎二支著瑚松額余步雲祇領將
此通諭中外知之○以龔綬爲甘肅按察使由廣東惠
湖嘉道遷○己未調
色卜星額爲甘肅按察使龔綬爲山西按察使○癸亥諭璧昌等
奉烏什所屬之布嚕特等進卡貿易可否免稅等語烏什卡外所
屬之布嚕特等接壤邊卡均極恭順所有進卡貿易之人著加恩

一體免其納稅○丙寅裁雲南曲靖府水利同知劍川州阿彌井
鹽大使曲靖大理永昌三府司獄順甯府知事○丁卯諭從前乾
隆年閒逆回布拉呢敦霍集占以叛伏誅布拉呢敦之子阿布都
哈里因年幼無知貸其一死賞給功臣爲奴道光三年朕因其尙
屬安靜加恩照當差回子之例將伊一家入於正白旗蒙古賞給
差使七年六月因張格爾入卡肆逆法當緣坐猶不忍槩予駢誅
將阿布都哈里及其子孫分撥雲南廣東廣西福建等省安置永
遠監禁其眷屬發江甯杭州駐防爲奴節據各該省巡撫具奏該
回子等在監安靜今張格爾久已明正典刑阿布都哈里伯巴克
俱經病故查張格爾入卡滋事時阿布都哈里等並無同謀知情
亦無遙應情事朕仰體 皇祖高宗純皇帝寬仁之德念父子兄
弟罪不相及阿布都色莫特阿什木馮氏怕特買楊氏大妞俱著

加恩准其釋回派員妥送來京仍隸正白旗蒙古旗籍其阿布都
哈里伯巴克之柩並著該省巡撫派人送京以示朕法外施仁至
意○以貴慶爲倉場侍郎奎照爲泰甯鎮總兵官調鄂順安爲刑
部右侍郎凱音布爲刑部左侍郎轉鐵麟爲兵部左侍郎調奕紀
爲兵部右侍郎以聯順爲理藩院右侍郎由御前侍衛遷○己巳以道慶
爲內閣學士兼禮部侍郎銜由御前侍衛遷○辛未裁南河清江閩閩官
丹徒如皋興化三縣縣丞○湖南逆猺趙幅金等伏法○癸酉移
江蘇沐陽縣錢家集縣丞駐高流鎮○是月給江蘇桃源縣湖北
天門等七縣衛水災口糧貸山西山陰縣歉收倉穀緩徵齊齊哈
爾兵丁貸糧

閏九月甲戌朔諭軍機大臣等林則徐奏拏獲竊匪重犯一摺桃
南廳屬奸民聚眾空隄見據林則徐奏稱已將趙步堂劉開成海

金周並海金周之子海東樓陸續拏獲並獲到供出之犯證十餘名者穆彰阿等嚴行審訊務得確情分別究辦此外有無知情同謀之人著向該犯等根究設法緝拏毋許一名漏網至陳端陳堂陳光三名尤爲案中要犯著按名拏獲歸案審辦不得稍有疏縱○己卯諭軍機大臣等本日據張井由驛馳奏于家灣缺口黃水入湖之處前經奏明隄南湖內及缺口上下十餘里外卽係清水計其沙淤不出三四十里灘地之內見又坐船探量仍與前次相倣查看于家灣口門順長至外南廳兵二堡水色黃濁以下至吳城六堡水色淡黃六堡至裏河之東清塲則全係清水毫無淤墊情形是黃水雖係入湖斷不能入運本年回空固可暢行卽來年重運亦決不至阻滯回空船隻隨到隨渡截至九月三十日止已入禦黃塲南下計船七百二十二隻等語前因御史鮑文湧奏南

河入湖恐妨運道又據宗人府府丞潘錫恩奏全黃入湖請急籌
補救以利新漕節經降旨令穆彰阿等將陳奏各條妥籌會議具
奏茲張井查明于家灣缺口黃水入湖計其沙淤不出三四十里
灘地之內至束清壩則全係清水毫無淤墊是黃水入湖竟不入
運回空已暢行七百二十二隻之多似可轉敗爲功來年重運尙
無阻滯之患惟回空全坡堵築于家灣口門合龍後其禦黃壩是
否可以不堵竟復舊規抑或尙須暫堵明年重運到浦時仍用倒
塘灌迺舊法著穆彰阿會同陶澍張井體察見在水勢情形仍遵
前旨詳細查明妥籌會議據實覆奏總須加意熟籌於慎重河防
之中無誤來年重運方爲至善儻來年重運竟有阻滯朕惟該河
督是問○庚辰裁浙江紹興府北塘衢州府糧捕通判杭州府屬
城北務錢塘縣屬西溪務稅課大使湖州紹興二府司獄象山縣

趙昇巡檢建德縣縣丞○甲申以故貝勒奕亨子載容降襲貝子

○丙戌諭陶澍等奏江西鹾務亟須整頓請選員分往疏緝一摺江西鹽務疲敝已久自應亟爲整頓該督等酌議倣照舊例略爲變通請就江西本省丞倅知縣佐雜中選派分辦著照所請瑞州府銅鼓營同知張玕候補縣丞徐希綸等准其飭委辦理鹽務以專責成如果辦有成效准其分別請旨獎勵儻有因循玩縱卽著嚴參示懲俾知奮勵其另片奏饒州府岸銷近年益形缺額有專岸之名無專岸之實准其援照成案將饒岸額引改攤通岸綱店有力之家一體帶運無須專商賠墊仍照饒岸科則納課以勵眾商又另片奏前請於贑縣東河上茅店設卡茲詳勘該處與該縣東關相距較遠聲勢未能聯絡著准其將原議茅店卡移建泥灣地方其派委員弁兵役一切經費仍照原議辦理○諭軍機大臣

等據穆彰阿等奏會勘河湖運道情形並妥籌辦理事宜一摺覽奏及圖均悉此次龍窩汎決口地方經穆彰阿等履勘該處黃水入湖卽由吳城七堡仍入黃河其間靠隄之縱橫二三十里多已受淤係在桃源縣南岸二十圖之內並非湖身至黃水入湖東至吳城七堡而止既不能入東清壩卽不能灌入運口至吳城七堡順清河禦黃壩等清水暢出刷滌黃淤自七堡以下至海口已刷深四五尺不等俟湖水再消即可堵閉山盱各壩俾湖水專力刷黃兼可堵閉昭關壩及高郵四壩俾下河田畝早爲涸復至潘錫恩所奏堵合復故全湖卽成平陸據穆彰阿等查明乾隆五十二年桃源司家莊漫口卽在見今口門之上二里與見在情形無異想不至淤成平陸至南河中滿之患總在桃南桃北外南外北山安海防六廳見在桃南決口黃水入湖從吳城七堡仍流入黃自

吳城七堡至禦黃塘以下直至湖口凡外南北下汎及山海兩廳百餘里內已刷滌漸深而吳城七堡以上高仰如舊卽在桃南北下汎外南北上汎之間計程二十餘里見當正河乾涸必須趁此機會著張井估辦抽溝大加挑浚俾禦黃塘以上漸就底平此爲至要其另片奏回空軍船截至本月初五日已渡黃者計一千三百餘隻於歸次可期無誤覽奏稍慰至來年重運著陶澍張井察看情形如堵合之後清水暢出卽可全復舊規儻仍難暢出卽將束清禦黃二塘及臨清堰等處趕緊收束修復仍行灌塘之法斷斷不許貽誤○諭本日據陶澍奏臺灣商被革乾俸全裁從前之每年坐食數千金數百金者俱多怨恨兼聞揚人相關紙牌繪一桃樹另繪一人爲伐樹狀以寓詛呪其切齒若此恐誤全局請易專管爲兼管以順物情等語此輩固堪髮指然爲國爲公之大臣止

可屏除不顧盡心報國爲是應究者處之以法可也漢岸浮費太甚自應提揚審辦務須秉公覈實勿使虛糜至淮北票鹽業已暢行從前滯岸額引原止九萬有餘幾於片引不行茲於七八九月內已請票引十萬有零運銷過於原額似此情形淮北票鹽已有起色若得時和年豐淮南綱鹽當可由漸而暢覽奏稍慰該督惟當振刷精神於萬難措手之時勉之又勉倅鹽務漸有起色方爲盡心報國之大臣切勿惑於浮議也○丁亥 上閱健銳營兵○

庚寅諭祿恩等奏籌議辦理排猺善後章程臚列八條呈覽粵東排猺賦性剽悍時爲地方之害此次因趙金龍勾煽匪徒蔓延滋事經禱恩等調集官兵大加勦洗旣懾猺膽而張國威惟戢匪雖在一時而弭患當謀久遠所有善後章程應如所請連山殺猺直隸同知專管八排猺務向係由外題補應揀選熟悉猺情之員俾

收成效卽倣照所改湖南永州理猺同知成案定爲邊疆要缺俸
滿卽升一切猺人詞訟及民猺互控詞訟均責令就近審訊並於
應得養廉外飭司籌款津貼每歲著給銀六千兩以資辦公至三
江扼要地方設有副將一員統率都守備弁三十員兵丁二千名
應責成該副將董率備弁督飭各營汎兵隨時緝捕按月分季帶
兵與界連之湖南廣西各營汎巡查會哨如有擅離汎地或失事
不報及縱兵擅入猺寨者兵則責革官則揭參其向撥把總一員
帶兵一百名若不合猺情卽行撤換如辦理妥協俟三年期滿由
該廳協察看詳請升缺以示鼓勵猺人至民墟貿易每爲漢奸所
欺嗣後令綏猺廳相度情形准立猺墟有願赴民人集場及民人
有願赴猺墟者應聽其自便至應徵徭糧統令猺長率領猺戶自
行赴廳交納不准胥吏經手以免需索遇有青黃不接時照舊借

給窮猺倉穀秋收徵還各排沖匪猺出山擾害良民者責令猺老
千長交出如徇庇不送並治猺老千長之罪猺民山田地畝從前
售賣民人者聽其照舊執業契限已滿仍准備價收購嗣後猺人
產業止准與猺人互相買賣不准民人契買違者田產斷歸猺人
執管不追原價鳥槍一項有收藏未繳者官爲給價收買並禁奸
民入寨私販火藥及不得違例製造鐵器至猺山居民無論已未
報案一律賙恤凡被毀房屋給費修蓋田禾不能及時耕種給予
口糧以後良猺出入毋得乘機報復如有漢奸煽惑滋事著落各
千長等捆縛送官並禁土匪嚇詐搶掠以儆刁頑其原設三十六
汎卡房卽勘明地勢酌量裁併其原撥守汎之兵添撥緊要汎地
駐紮裕兵力而扼要衝至應否添建碉臺若干座著盧坤等委員
相度地形妥爲勘估由本省籌款辦理猺人向分八大排七八十

小沖錯處嗣後應編立門牌以備稽查仍令八大排內各舉老成
知事者立爲猺老千長由綏猺廳揀選承充管理一排事宜餘各
小沖係某大排分支統歸某大排猺老千長管領令綏猺同知按
戶給發門牌將大小丁口備載並於八大排內每排添設猺練十
名統歸連山廳把總管帶差遣如有入山藉差嚇詐情事該千長
等到官首告照例治罪其猺老千長及猺練等果能辦公無誤年
終由綏猺同知酌給花紅分別獎賞以上八條惟在各地方官實
力奉行以安民猺而收成效不得視為具文以致日久生懈○永
定河漫工合龍○丙申諭本日據大學士會同軍機大臣議奏京
員揀發河工學習章程河防關繫重大必得通曉熟練之員方有
裨益著於內閣翰詹六部都察院各衙門不分滿洲漢人擇其正
途出身清慎勤敏者每衙門保送一員咨交吏部帶領引見候旨

發往東南兩河學習如不得其人無庸溢保並著定爲兩年揀派
一次該員到工後隨同該河督等專心學習估工查料及一切疏
清堵築各事宜不必承辦要工亦不准經營錢糧並著該河督量
才差遣周歷河湖隄堰查勘情形俾資歷練其有謬妄滋事者不
但該河督應隨時參劾卽兩江總督山東河南各巡撫均有兼轄
之責並准其據實劾參毋稍贍徇其貪勉勤慎尙堪造就者二年
差竣著該河督出具切實考語送部引見候旨錄用此係爲慎重
河務起見其不諳河務者准其仍回本任不准乞恩改補地方如
遇大挑年分仍照舊例分發試用著該河督隨時甄別各該員等
務須實心學習期於熟諳宣防釐工熙績以備國家任使○丁酉
飭河南湖北等省會拏擒匪○裁湖南岳州府同知常德永順二

府通判郴道二州州判祁陽縣屬永隆市東安縣屬石期市永明

縣屬桃川市邵陽縣屬黑田鋪黔陽縣屬安江司桂陽縣屬鎮安
司通道縣屬播陽司各巡檢沅江桂東通道石門慈利嘉禾各縣
學訓導○戊戌飭江西巡撫嚴拏會匪○辛丑撥安徽等庫及各
關稅銀三十萬兩備湖北賑需○壬寅諭據禮部奏朝鮮國領時
憲書齋咨官齋到該國王咨文一件查係英吉利商船欲向該國
交易該國王恪遵法度正言拒絕朝鮮國臣服本朝素稱恭順茲
以英吉利商船駛入古代烏洋面欲在該國地面交易經該國地
方官告以藩臣無外交之義往復開導相持旬餘英吉利商船始
行開去該國王謹守藩封深明大義據經奉法始終不移誠款可
嘉宜加優賚著貢賜該國王蟒段二匹閃段二匹錦段二匹素段
四匹壽字段二十匹用示嘉獎卽交該國齋咨官帶往○是月賑
直隸阜平等十州縣災民給河南祥符等七州縣陝西興安府水

災口糧貸齊齊哈爾等處被旱兵丁銀穀緩徵直隸三河等四十七州縣山東博興等三十六州縣河南上蔡等三十七縣山西朔州陝西葭州災民新舊額賦

冬十月乙巳廣東曲江乳源兩縣土盜勾結猺匪滋事盧坤派兵勦平之○裁馬蘭鎮標左右兩營經制外委二○乙卯改定葉爾羌等西五城換防官兵作爲三年班次○庚申裁廣東廉州府同知肇慶府通判長清始興二縣訓導高州廉州二府司獄南海縣河泊所大使○壬戌賜李廣金等七十三人武進士及第出身有差○甲子裁貴州普定縣屬流江土守備○戊辰福建臺灣嘉義縣匪徒陳辦等滋事命程祖洛馳往勦辦○以文蔚爲左副都御史由大理寺卿遷○庚午諭軍機大臣等本日據魏元烺由五百里馳奏嘉義縣賊匪戕害府縣添撥官兵糧餉馳赴勦辦一摺據稱接臺

臺灣鎮劉廷斌稟稱嘉義賊匪陳辦黃鳳張丙詹通等三股分擾道
路梗塞文報不通閏九月二十七日探得賊匪竄往紅山仔牛朝
山等處該鎮督同北路協副將葉長春追獲六名連日賊匪又在
捕姜裔擣仔腳店仔口各莊焚劫臺灣府知府呂志恒署嘉義縣
知縣邵用之護安平協副將周承恩分路追捕邵用之在店仔口
被戕該鎮卽前赴勦辦惟兵數不敷請內地派兵渡臺又稱呂志
恒聞邵用之被害同護副將周承恩帶領兵勇馳往初二日行至
大排竹地方遇賊眾寡不敵呂志恒被害府印亦失訥之呂志恒
家丁與興泉永道等稟報相同見在先已添調漳州鎮標各營兵
一千名又調水師提標兵三百名金門鎮兵二百名海壇鎮標兵
三百名閩安協標兵二百名派官帶領俱由蚶江對渡鹿港登岸
聽候陸路提督馬濟勝調遣又添撥餉銀五萬兩飭司速委妥員

解臺一面移咨水師提督陳化成整齊兵械以備調撥並委臬司
鳳來馳赴廈門帶銀就近接應等語該賊匪分股肆擾戕害府縣
深堪髮指昨日魏元烺奏共調兵三千名合之平慶所奏臺灣有
兵一千六百五十名本日又據魏元烺奏調兵二千名統計六千
六百五十名兵力不爲不厚兵餉十五萬兩當已敷用前降旨令
程祖洛速赴福建酌量渡臺此時賊匪三股分擾必應該督親往
相機妥辦六年間該處匪徒滋事前任總督孫爾準卽往廈門渡
臺策應該督接到魏元烺函遞及奉前降諭旨卽當兼程前往應
帶兵弁官員一面添調酌看情形辦理朕亦不爲遙制魏元烺仍
留省城駐鎮以固人心臺灣郡城爲根本重地著仍飛飭平慶等
委爲保護該督等務須安撫善良解散脅從將戕害府縣之犯全
數擒獲盡法處治以慰忠魂○是月賑直隸吳橋東光二縣江蘇

桃源等三州縣湖北漢川等四縣衛安徽五河縣兩淮板浦等三場水災旱災給江蘇海州等四州縣安徽五河等十一州縣衛湖南安鄉華容二縣奉天錦州府屬旗民口糧貸山西大同鎮災區駐防倉穀蠲緩直隸吳橋等十七州縣江蘇桃源等六十三州廳縣衛安徽五河等三十九州縣衛浙江海甯等二十二州縣衛仁和場兩淮富安等十四場湖南安鄉等七州縣衛山西隰州等六州縣湖北漢川等二十六州縣衛水災旱災雹災新舊額賦緩徵山東東阿等二十一州縣衛江西南昌等十二縣福建長樂福清二縣甘肅皋蘭等十五州縣水災旱災新舊正雜額賦

十一月乙亥以勦辦猺匪功加祿墳太子少保○戊寅命署福州將軍瑚松額爲欽差大臣都統哈喇阿爲參贊大臣馳往臺灣勦賊○庚辰冊封形貴人舒穆魯氏爲形嬪○壬午添設直隸豐

甯縣屬八品委署驍騎校一○乙酉濬山東運河○己丑諭朕沖
齡就傅時原任侍郎贈禮部尙書銜萬承風原任翰林院侍講學
士加三品卿銜秦承業先後在上書房課讀盡心講貫深資啓沃
卽朕之今日尙能兢兢自守者兩師傅之功也眷懷舊學特沛恩
施萬承風著晉贈太傅其子童生萬方林著賞給舉人准其一體
會試其孫候選府經歷萬長齡著遇缺卽補秦承業著晉贈禮部
尙書銜其子候選員外郎秦繩曾著賞加四品卿銜嗣子監生秦
象曾著賞給舉人准其一體會試用示朕誼篤師儒有加無已之
至意○癸巳 皇六子奕訢生○丙申撥京倉粟米一萬餘石加
賑順天武清等八州縣災民○丁酉諭大學士兩廣總督李鴻賓辦
理連山猺匪節次所奏軍情訊無含混情形尙非故意遷延而辦

理不善耽延月日罪實難逭至連州督師五路進兵夤夜遇賊致傷兵弁所奏率多粉飾又兵丁吸食鴉片煙難於得力雖隨同禧恩等辦理猶匪完竣僅罰賠三成軍需銀兩尚不足以示懲李鴻賓著從重發往烏嚕木齊效力贖罪已革休致廣東提督劉榮慶廢弛營務致兵丁吸食鴉片煙臨事不能得力平素毫無整頓其五路進兵猝遇賊匪傷亡兵弁伊係統兵大員厥罪較重雖年逾七十不准納贖著從重發往伊犁充當苦差○諭軍機大臣等本日據程祖洛等奏先赴廈門相機渡臺勦辦並探報提鎮先後抵臺日期一摺覽奏均悉嘉義以北匪徒陳辦等因與粵莊爭牛細故毀莊拒捕嘉義以南賊匪詹通等同時響應搶劫衙署汎防拒殺兵民戕害府縣將弁攻圍縣城勢甚猖獗彰化以南亦有匪徒黃城聚眾離縣城數里之莿桐腳加犁莊均被焚毀副將葉長春

會同該縣李廷璧保守城池見在提督馬濟勝已於十月二十八日收進鹿耳門總兵寶振彪於十一月初二日由鹿港登岸臺郡居民安堵嘉義縣雖屢被賊攻劉廷斌竭力固守見計先後調發內地官兵及臺灣道就近調澎湖兵並本年撥成班兵共七千數百餘名兵力不爲不厚程祖洛到廈門後著體察臺灣情形儒馬濟勝等到臺力能進取卽飭會同劉廷斌勦辦程祖洛卽飛速渡臺辦理善後事宜將賊首生擒解京盡法處治再將內地官兵先行陸續撤回以節糜費如賊眾兵單勢難卽行殲除著飛飭馬濟勝寶振彪與劉廷斌遙爲應援以保守城池爲第一要著毋稍輕率或有挫失轉令賊勢鴟張並著程祖洛暫駐廈門不必渡臺朕已派瑚松額爲欽差大臣哈喇阿爲參贊並飛調河南兵一千名西安滿洲營兵三百名此二處均奏報起程並調四川兵一千五

百名貴州兵五百名程祖洛卽飛催瑚松額等趕緊遄行俟大兵
到齊一鼓作氣聚而殲旃勿留餘孽再臺灣四面皆海若賊勢窮
蹙難保不竄入海中擒捕更形棘手著程祖洛豫飭沿海各隘口
多派兵弁梭織巡邏嚴密防堵毋任一名漏網儻有疏虞惟程祖
洛等是問○戊戌裁寶華峪筆帖式四○己亥諭朕每年春月詣
吉謁陵歲以爲常本年夏閒亢旱秋收款薄吾民方辛苦墊隘
若明年仍照例舉行蹕路所經不能不藉資民力朕甚憫焉東作
方興元氣未復敬思列祖列宗愛育黎庶之心何忍以車馬
供億重勞吾民著暫停前往想在天之靈實鑒此心○撥陝西
南鄭等三縣倉穀給安康縣平糶○辛丑諭盧坤等奏防勦事竣
酌議善後章程一摺廣西賀縣猺匪滋事勦捕完竣善後事宜自
應隨時變通以期永臻綏靖茲據該督等奏稱猺人生計艱難每

被地棍遊民欺壓著責成各該縣每於季首輕騎赴山傳諭各猺
目如有前項人等立卽稟究民人侵占猺業者查明退還猺人在
山外承佃民業者照舊耕種納租若赴墟市交易不得任聽奸徒
欺詐猺人涉訟在官諭令該猺目等交出毋許兵差入山拘擾違
者役處官參儻有漢奸赴山勾引爲匪者許該猺目等稟究猺人
私藏鳥槍著徧行曉諭繳官領價鐵匠鋪戶受賄違例鑄造嚴拏
治罪民人賣給火藥照私販硝礦例究治失察之地方官一併嚴
參尤不得任聽書役人等以查繳鳥槍爲名藉端索擾至猺人之
安分與否惟附近猺山紳民人等聞見較真卽飭各州縣文武官
員於附近猺山選擇公正紳士誠實鄉民隨時曉諭令各安耕鑿
毋許滋事如有外來匪徒入山嚇詐及猺頭不能妥爲經營致眾
猺不服者該紳民等稟報究辦並將懂事良猺隨時獎勵至猺人

性多愚拙易於煽惑著就各沖設立義塾於附近紳衿中擇延品端學正之士以四子等書訓課猶童各該縣隨時親臨查察其穎秀可教者優爲獎勵並恭宣聖諭廣訓俾猶眾漸知禮法勉爲馴良數年之後果能讀書向義酌量奏明設立猶童學額至所請重官守以資治理選猶目以定賞罰二款著該部議奏○是月貸陝西漢中等五府州廳屬甘肅宜禾縣被災口糧吉林等七處籽種蠲緩甘肅宜禾縣逋款

十二月甲辰撥浙江江西倉穀二十萬石濟福建民食○裁福建沙縣長汀縣丞興化泉州漳州延平建甯汀州各府司獄福清莆田浦城清流永定甯德福鼎永春大田各廳縣巡檢○丙午命濬京城內外河道以工代賑○戊申改江西豐城縣土隄爲石隄○撥浙江沿海州縣漕米十萬石接濟福建○壬子諭史譜奏額勒

潭莫崇武改由內地行走等語散秩大臣額勒渾頭等侍衛莫崇武致祭阿拉善王事畢本應取道口外行走此次改由內地雖係自雇車馬並未動用驛站惟改道行走究屬不合俱著交部議處

○己未諭軍機大臣等程祖洛奏探明嘉義賊匪分莊拒守提鎮兩路進剿並暫駐廈門策應一摺覽奏及圖均悉彰化首匪黃城自攻破斗六門後侵入彰化西螺等處僞稱北路大元帥黏貼告條混造年號詞語狂悖大小股首張丙等十二處在嘉義境內分布勾結抗拒官兵南北兩路文報不通實堪髮指程祖洛因黃綏諾等攜帶銀兩僅止守備一員護送難以放心飛飭副將黃忠貴帶兵八百名改道蚶江與黃綏諾等同渡鹿港並催帶領省標各兵之參將靈德作爲後應所辦尙安寶振彪自彰化前進已於十一月二十日進嘉義城馬濟勝在茅港尾殺賊甚多二十五日行

抵離嘉義城五十里之鐵綫橋紮營連勝二陣雖係探報傳聞之信惟三路會合夾攻尚是絕好機宜著飛催內地續調官兵星夜東渡參將達明阿等已於澎湖開駕正可爲馬濟勝策應該督卽遵前旨暫駐廈門催福甯邵武汀州等營兵隨到隨渡並飛咨瑚松額等迅速前進分路搜勦不留餘孽解散脅從招集義勇以孤賊勢其單開大股首四名張丙陳連黃番婆詹通僞軍師一名吳殿先聽令股夥三名劉仲劉謀蔡恭小股首八名陳辦吳贊梁信梁辦吳鰐吳茱吳昶吳棟僞副軍師一名吳有成彰化首匪黃城除臨陣殲斃外著名首匪必須生擒解京盡法處治斗六門陣亡署縣丞方振聲等及兵丁若干名查明照例賜卹所奏調浙江兵三千名處州鎮總兵高明德爲總統等語高明德豈能帶兵浙江省兵豈能得力所見差矣著仍遵前旨停止浙兵毋令前往又另片

奏原任提督王得祿情願帶兵渡臺等語王得祿曾任水師提督屢著勞績此次請帶兵渡臺並在內地雇備鄉勇五百名殊堪嘉尚該督委閩安右營都司許遠生等帶領精兵三百名渡埔仔腳一帶港汊驅逐賊船自是甚好機會著傳旨褒獎該提督果能乘其不備疾趨嘉義會同劉廷斌南應馬濟勝北接賣振彪並防賊匪竄海之路朕必加以懋賞○壬戌實授文慶禮部右侍郎松筠理藩院左侍郎○丙寅諭軍機大臣等本日據魏元烺由六百里馳奏提臣到臺後連得勝仗擒獲賊匪股首餘匪星散請旨截回各省勁旅一摺據稱提督馬濟勝總兵賣振彪自臺灣府城及鹿港馳抵嘉義與提督劉廷斌會合南北道路已通賊匪各股首雖獲又連獲賊目多名大股聚眾三五千者所存一二三百人小股止

存百餘人或三五十人各村莊團集丁壯助官獲犯義勇招雇不
少所調之兵陸續抵臺搜捕餘匪已敷訓遣應將河南四川貴州
西安等兵截回等語見已飭令瑚松額抵閩後卽行渡臺督同劉
廷斌馬濟勝搜捕黨與務期悉數殲擒並諭程祖洛渡臺辦理善
後事宜河南等處官兵自應撤回歸伍以免跋涉侍衛巴圖魯章
京等已令瑚松額酌帶數員渡臺餘著哈喴阿管帶回京其馬濟
勝函稱十一月二十六日曾有摺彙聲敘續獲勝仗焚毀賊巢擒
獲股首詹通各情形該撫接到後想已卽行具奏矣○丁卯李文
耕年老休致以吳傑爲貴州按察使由廣東陞運使遷○戊辰諭軍機大
臣等據魏元烺奏十二月十二日接到馬濟勝十二月初三日函
報擒獲股首黃番婆劉港二名賊夥謝成陳青山二名大賊目戴
闊一名匪犯黃水來等六十四名查明前獲劉仲係疊攻嘉義戕

害遊擊周承恩之兇要首犯押赴周承恩墳前凌遲立決見獲劉
港係在店仔口與詹通狀害知府呂志恒要犯黃番婆係在府城
西關外行劫肇釁謀逆要犯均應凌遲俟該提督前往南路時帶
至店仔口等處辦理其餘各犯同劉廷斌擒獲僞帥吳貂柯和尚
賴牛軍師林世治黃寅僞先鋒邱據並逆夥一百數十名均在嘉
義正法鳳山縣大湖二層行溪一帶有賊竄擾已撥兵一千二百
餘名義民四百名交副將謝朝恩督同參將達明阿帶往勦捕又
接劉廷斌移送摺彙將此案起釁根由及奪獲僞印黃色帽罩槍
礮械俱報督臣具奏此案賊目各處所報不同渠魁究竟何人
是否已經正法見已飛催確查賊勢既盛見飭舟師及沿海文武
加緊巡察並咨浙江廣東一體堵捕復經水師提督陳化成派兵
飛渡臺灣通洋各港漢查拏堵截等語覽奏均悉瑚松額程祖洛

見已諭令渡臺按勦餘匪辦理善後事宜此案渠魁已令確查具奏賊匪勢窮力蹙計無復之恐以海爲逋逃淵藪已諭該將軍等通飭水陸官兵截其入海之路並飛咨浙江廣東一體巡防該撫務嚴飭沿海文武員弁實力查拏毋許一名竄入四川貴州官兵已降旨撤回河南官兵西安馬隊已諭該將軍等酌量或留若干或全數撤回一面飛咨辦理一面奏聞○己巳召多容安來京以阿勒清阿爲廣西按察使由科布多參贊大臣選○庚午諭本日據馬濟勝劉廷斌由驛馳奏勦捕嘉義賊匪拏獲要犯多名撥兵前赴南路勦捕各摺片覽奏欣慰此次臺灣匪徒聚眾滋事戕害府縣實堪痛恨提督劉廷斌帶兵馳赴嘉義該匪四面圍攻該提督督率守禦沿途打仗殺賊奪獲旗幟器械生擒僞帥吳貂柯和尙賴牛僞軍師林世治黃寅僞先鋒邱標並賊夥一百餘名事經三月之久

一切奮勇出力馬濟勝渡臺後在茅港尾屢獲勝仗生擒股首詹
通陳連陳皎黃網林景和抄營進屯鹽水港會同劉廷斌分派弁
兵四處截拏獲股首黃番婆賊夥謝成陳清山其股首劉港劉仲
經官兵等先後縛送又獲賊目戴闊匪犯黃水來等六十四名逆
首張丙黃城賊目廖花匪夥李略等十一名見赴南路勦捕均臻
妥速俱屬可嘉之至馬濟勝劉廷斌俱著先行加恩賞戴雙眼花
翎並交部從優議敘前任臺防同知代理臺灣府事王衍慶於防
堵機宜辦理周密著加恩賞戴花翎交部從優議敘發去雙眼花
翎二支著馬濟勝劉廷斌祇領將此通諭中外知之○是月貸直
隸災區各營兵餉山西豐鎮等六州廳縣災民倉穀展緩浙江仁
和等七縣逋賦○是歲朝鮮南掌暹羅琉球入貢○會計天下民
穀數除福建未報外各省通共大小男婦三萬九千七百一十三

萬二千六百五十九名口各省通共存倉米穀三千二百二十三
萬四千五百五十七石二斗七升八合